



सानसेयारि

बड'सा

सानसेयारि 'बड'सा' खरौंलाइयाव
समाज्यादि जिज्जो लोखा थानाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्यायाव लिखाय लिखाय दिशाय ठर!
सानसेयारि 'बड'सा' खरौंलाइया खेबखानानै
फोखावगेल।

बड'सायाव लिखायलि हुबा खालाम,
'बड'सा' खरौ नोथां, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 9 April, 2024 Kokrajhar, BTC, Assam ★ Vol.- 34 , Issue No. 16 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

नैथि खोलोबनि
बिसायख 'थियाव मोन
5 बियाबाव सा 61
बिजाथिफोरा
बिसायख 'थि गेलेगोन
दिसपुर, 8 एप्रिल: फैगौ 26
एप्रिलआव मोन 5 बियाबाव
खुंनो गोनां नैथि खोलोबनि
लक सभा बिसायख 'थिनि
थाखाय बिजाथि लाइ बोखानानै
लाफिनायनि दिनेनो जोबथा
सानमोन। बिजाथि लाइ
बोखानानै लाफिनायनि जोबथा
सानखालि डिफु लक सभा
बियाबनि सासे बिजाथिया
(□ 5 बिलाइआव)

राभा राहित्य सभानि सनाथि माइथाय फोर्बो आरो 51 थि गायसन्थाय सान फालिनाया थुंगेबाय

हाबाफारियाव बिटिआरनि गाहाइ मावफुं सोद्रोमा प्रमद बर'आ बाहागो लादों

गसाइगाव, 8 एप्रिल: कक्राझार
जिल्लानि गसाइगाव चाकचा
सि-रोम-सि क्लाबनि गेवलां
गेलेगा फोथाराव 7 आरो 8
एप्रिलयाव साननैनि मेहेरगोनां
हाबाफारिजों खुंफुं जानाय
दुलाराय राभा साहित्य सभानि
सनाथि माइथाय फोर्बो आरो 51
थि गायसन्थाय साननि
हाबाफारिया दिने जाफुं सारै



थुंगेलांबाय। फुनि फिफिलाखौ
दुलाराय राभा साहित्य सभानि
आफादगिरि अमर सिं कचआ
बिरहोजेनो। बेनि उनावनो लोगो
आफादगिरि सत्यजित राभाआ
मुंखुंफोरनो मान बाडनानै मुंखुं
खाम्फायाव बिबार बाडयो आरो
आलारि बाथि फोजोडो।
बेलासियाव खुंफुंनय बिजाव
(□ 5 बिलाइआव)

बिटिआरनि सिमना बारायनाय आरो सनितपुराव
हनि जेनाखौ आबुडै सुसांजोबनाया थाबेनो
मावफुंजाजोबिसगोन: अबित नाजरी



भालुकपुं, 8 एप्रिल: भालुकपुं दख'रा दुलाराय बर' फरायसा
आफादनि बान्जायनायाव दिने बड'फा गोजोरथियायि सोलायनाय
मावथांखिखौ बिथा खालामनानै 'गामियायि सांग्रान्थि मेल' खौ
भर'लि भेलि गुदि फरायसालियाव (□ 5 बिलाइआव)

समनि हांखायनायावसो आं इउ पि पि एलआव हाबनो नागिरदों: चन्दन ब्रह्म

12 एप्रिलयाव बिपिएफ नागारनानै
इउपिएलआव हाबनायनि थिरांथा लाबाय

काजलगाव, 8 एप्रिल: बिपिएफ दोलोन
मख 'जाथाव गागि दैदेनगिरि एबा बारग' मन्थि
चन्दन ब्रह्मआ बिपिएफ दोलोखौ नागारनानै
इउपिएलआव हाबनो थाखाय साखा-फारा
जाबाय। चिरं जिल्लानि सापागुरियाव थानाय
राइज्योनि बारग' मन्थि, बिपिएफनि
गायसनगिबि दैदेनगिरि चन्दन ब्रह्मआ फैगौ
12 एप्रिलआव इउपिएल दोलोयाव
हाबसिगोन। दिने फुनि समाव चिरं जिल्लानि
सापागुरियाव थानाय सिगनेट पार्क हटेलयाव
खुंफुंनय मोनसे खौरंगिरि मेलयाव बारग'
मन्थि चन्दन ब्रह्मआ गावनि बे थांखिखौ रोखा



खालामो। गोबाव सम हाग्रामा महिलारी
दैदेनय (□ 5 बिलाइआव)

सालबारियाव इउपिएल दोलोन मावफारिया मेल खुंदों भारतवर्षनि राजखान्थियाव कंग्रेसआ खामानि गैयै जाबाय: उर्खाव गोरा ब्रह्म

भवानिपुर, 8 एप्रिल:
बिसायख 'थियायि
राजखान्थिआव मोनसे गेदेर
सोलायनायखौ नुनो मोन्दों।
आथिखालाव राइज्योफोरा
गोसोनि मोन्दोथिफोर, दोहौआव
भट थुया। रां गथायनानै भट
मोन्नाय हारिमुआ बाडाइ
जालांबाय। आथिखालनि भटार
राइजो-राजाफोरा मोजां-गात्रि
सान्नायनि गेजेरजों भट थुगोन।
बेनि थाखायनो बे खेबनि



लकसभा बिसायख 'थिआव
मोजां सावगारिआ फैदोंदि, गासै
भारतवर्षजों लोगोसे
आसामावबो एनडिएनि
बिजाथिनो राइजो-राजाफोरा भट
होगोन। राइजो-राजाफोरा
भारतवर्षआव थाम्थि खेबनि
थाखाय नरेन्द्र मदिनि दैदेनयाव
एनडिएनि सरकार दानायनि
थाखाय भट होनाया रोखा
जाबाय। आसामाव
(□ 5 बिलाइआव)

रामकृष्ण मन्दिरनि
थालाखौ सिमफायनानै
बिमा कालीनि सना
खावनानै लादों

गसाइगाव, 8 एप्रिल: कक्राझार
जिल्लानि गसाइगाव सदर
सहराव थानाय रामकृष्ण सेवा
आसमयाव दिने सोरांसि समाव
मोनसे दुखुनांथाव सिखाव
खावनाय जाथाय जानायनि खौरां
मोन्नाय जादों। मन्दिरनि सिमि
के मेरायाव नुनो मोन्नाय
बायदिब्ला सोरांसि समाव
साथाम सिखावआ मन्दिर
(□ 5 बिलाइआव)

कक्राझार साइ फोरोंथाइ मिरुआव क्रिटिनि सायख' बादया दिनेनिफ्राय जागायजेनबाय

कक्राझार, 8 एप्रिल: मिरुनि
सरकारनि गोदान सोलोथाइ
खान्थिनि बादिये आजावनाय
स्पर्टस इन्डिग्रेटेड एड्युकेसननि
थांखिजों खेल' इण्डिया गुन
गोनां गेलेगिरिनि रोंग'थि
नागिरनाय एबा खेल' इण्डिया
राइजिं टेलेन्ट आइडेन्टिफिकेसन
सुंदयै 'क्रिटि' नि सायख'
बादया दिनेनिफ्राय कक्राझारआव
जागायजेनो। कक्राझारनि
खान्थालगुरियाव थानाय साइ
फोरोंथाइ मिरुनि स्टेडियामाव



सान 3 नि हाबाफारिजों सायख'
बादा खुंनय जायो। दिनेनि
सायख'नाय हाबाफारियाव
कक्राझार जिल्लाजों लोगोसे
राइज्योनि गुबुन गुबुन
जायगानिफ्राय गासै सा 600
निबो बांसिन फरायसाफोरा
बाहागो लायो। मख'नो गोनांदि,
बे सायख' बादयाव 9 बोसोर
बैसोनिफ्राय 18 बोसोर बैसो
सिनि रोंग'थि गोनां
गेलेगिरिफोरा बाहागो लादों।
(□ 5 बिलाइआव)

गसाइगावआव आसाम तृन्मुल कंग्रेसनि बिसायख 'थि सामब्लाय मावखुलि बेखेवदों
राइजो-राजाफोरा गोदान सोलायनाय नागिरनानै
तृन्मुलखौ आजबनानै लादों: रिपुन बरा



गसाइगाव, 8 एप्रिल: खुंनो गोनां
लक सभा बिसायख 'थिखौ
लानानै राजखान्थि हान्जाफोरा
बिसायख 'थिनि फोसावदिनायखौ
गोखोंसिन खालामदों। बे
बायदिनो 1 नं कक्राझार लक
सभा बियाबनि
बिसायख 'थिखौ लानानै आसाम
(□ 5 बिलाइआव)

सालबारि भकुवामारियाव गं 8 फार्मासिखौ बन्द' खालामदों

भवानिपुर, 8 एप्रिल: बाक्सा सालबारि महकुमानि बेंखनाव थानाय
भकुवामारियाव दिने बाक्सा जिल्लानि मुलि नायबिजिसगिरिनि
दैदेनयाव बिफानारि मोनसे हान्जाया गुबुन गुबुन पार्मासिखौ
नायबिजिसनयनि गेजेरजों गं ब्रै
आइन बेरेखायै सोलिबाय थानाय
फार्मासिफोरखौ बन्द'
खालामनानै होयो। मख'नो
गोनांदि, बाक्सा जिल्ला मुलि
नायबिजिसगिरि इशर चन्द्र
हाजरिनि दैदेनयाव बिफानारि
(□ 5 बिलाइआव)

थुनलाइ
जांखलानि 19 थि
जख 'न्थाइया
खुंफुंजाबाय

रडिया, 8 एप्रिल: थुनलाइ
जांखलानि 19 थि जख 'न्थाइया
मैया 7 एप्रिलखालि जानानै
थाडो। बे जख 'न्थाइखौ टंला
जौमा फरायसालिनि
साखाथियाव थानाय
समुवापारायाव टंला जौमा
फरायसालिनि बिबुगिरि ७
प्रमिला बर'नि गोजोन देरायाव
(□ 5 बिलाइआव)

मुदैबारि ब्लक इउपिएलनि बान्जायनायाव भेरागाव जिल्ला अबिसि सेलनि मेल खुंदों

कलाइगाव, 8 एप्रिल:
सोलिफु दाननि फैगौ 26
एप्रिलखालि राइज्योआव नैथि
खोलोबनि खुं जानो गोनां
लकसभा बिसायख 'थिखौ
लानानै मुदैबारि ब्लक
इउपिएलनि बान्जायनायाव
भेरागाव जिल्ला अबिसि सेलनि
मोनसे गोनां आफादगिरि मेल
खुं जादों। मख'नो गोनांदि,
(□ 5 बिलाइआव)



कक्राझारआव हरि-माहारिनि हरिमु आरो बिहु मोसानायनि मावबादाया खुंफुंजाबाय

बे बायदि हाबाफारिया खौसेथि आरो विदा-फंबायनि दौलेखौ
गोखों खालामनायनि बिथिडाव जर'खा बिफाव लागोन: एबसु

कक्राझार, 8 एप्रिल:
कक्राझार जिल्ला फरायसा
आफादनि बान्जायनायाव,
बालाजान तिनालि दखरा
फरायसा आफाद आरो
बालाजान तिनालि रंजालि
(□ 5 बिलाइआव)



11 थि बाउखुंग्रि फोर्बो, 2024

रनसाइ लिखाय बादायलायनाय

आयदा: बड'लेण्डआव दावबायारि जौगाथायनि खाबु

फोरमानलाइजों लोगोसे नोगोद रनि बान्था:

- 1थि बान्था: 25,000 रं (नैजिबा रोजा रं)
- 2थि बान्था: 15,000 रं (जिबा रोजा रं)
- 3थि बान्था: 10,000 रं (जि रोजा रं)

गथायनायनि जोबथा अक्ट : 10 एप्रिल, 2024 बेलासिनि 05:00 रिगायाव

फिथाइ फोसावनाय : 12 एप्रिल, 2024

हारोंथायनि खान्थि:

- बाहागो लागिरिआ 18 बोसोर बैसोनि गोजौनि फरायसालिमा/मुलुगसोलोसालिनि फरायसा आरो
बड'लेण्ड टेरिटोरियेल रिजनि थगिरि जानांगोन।
- बाहागो लागिरिआ लिखाय जमा होनायाव बैसोनि फोरमान थानाय फोरमानलाइनि फटकपि (10
थाखोनि एडमिट कार्ड/आधार कार्डजों लोगोसे थं थानाय) खौ सुथावफानांगोन।
- इयुनिनि जगाजगनि थाखाय आथिखालनि थं आरो फोनांजावखौ रोखायै होनांगोन।

नेमखान्थि आरो सुवुरुन:

1. सोदोबनि जखाथिआ बांसिनआव 800-1000 सिम जानांगोन।
2. रावनि आजावनाया इंराजी/बर' आरो असमीया जानो हागो।
3. रनसाइआ Times New Roman आव 1.5 लाइन स्पेसजों 12 साइजनि टाइप खालामनाय
जानांगोन। आखाइजों लिखाय रनसाइखौ आजावनाय नडा।
4. रनसाइआ फरायसा/बाहागो लागिरिनि नंगुबै मावनाय जानांगोन, रावखान्थिनि जेबो गोरोन्थि
गैयालासे। जुदि सल'आ सोलाव लानाय एबा नेमखान्थि सिफायनाय मोनोब्ला, बेखौ गनायथि
होनाय नडा।
5. दावबायथाय बिफानआ देरहानाय रनसायखौ फोसावनायनि मोन्थाय थगोन।
6. रनसाइखौ नायबिजिरिनाया सैथो आरो गुवारै फोरमायनायजों आयदानि इंसिआरि बाथा आरो
गुमुरनि सायाव सोनारगोन।
7. गासै बाहागो लागिरिनि थाखाय बान्जायगिरिनि थांखिआनो जोबथा थिरांथा जागोन।
8. बाहागो लागिरिफोरा रनसाइखौ सेबखानांगोन आरो गासैबो विलाइफोराव सागान होनांगोन।
नडाब्ला रनसाइनि स्केन खालामनाय कपिखौ पिडिएफ फर्मेटआव बान्जाय आफाद 11 थि बाउखुंग्रि
फोर्बो, 2024 बाउखुंग्रि हाजो, जिल्ला: कक्राझारनि मावखुलियाव जमा होनो हागोन।

लिंथुगिरि

बान्जाय आफाद

11 थि बाउखुंग्रि फोर्बो, 2024

सुजुगिरिनि खोलोम सोलायनायनि दोहौ

सोलायनायखौं मोजां मोनग्रा सुबुं समाजआ गावनि नख'र, ओन्सोल, राइज्यो आरो हादतनि थाखाय मुलुगनि गुबुन जौगाखां हादत आरो सुबुंफोर बादिनो फारफ्रोम बिथिडव गुस्लायनाय फेनायखौं लुबैयो। सुबुंफोर रांखांथि बिथा जौगाहोनाय लुबैनाय बादिनो समाजआरि, सोलोथायारि आरो राजखांथियारि फारसै सोलायनाय लोबोनायनि सायाव गोबांसिनै गोसो गेलेमनाय नुनो मोनाय जायो। फारफ्रोम बिथिडवनो गुबुनखुइ उन जानानै थालानाय हादतनि गुबुन गुबुन ओन्सोलफोरजों लोगोसे जौनि ओन्सोल आरो राइज्योआवबो सोलायनायनि दोहौ फेनायखौं नुनो मोनाय जादों। जौगालु हाबाफोरनि अनगायैबो बाइदिसिना सुबुं अन्सायारि बिथांखिफोर सुबुंफोरनि गेजेराव हास्थायनाय, मिजिथिनाय आरो फोथायनायखौं लोबोनाय हानायवाव सोलायनायनि फारसै सिगांबोनायखो नुनो मोनाय जादों। बोथोर जैरे सोलायसुलि बेबादिनो सुबुंफोरनि सानाय-हनाय, हास्थायनाय, मिजिं आरो थासाखिजों गोरोबनाने आगान सुरफालानायनि लामा सोलायनाय लुबैनायखौंबो आथिखालनि बे थासारियाव नुनो मोनाय जायो।

आथिखालनि बे समआ बिसायख'थिनि बार बारफुनाय सम। हादतनाइने दासान्दि बिसायख'थि फोसावदिनायनि जैरेबो-जेरावबो फोबांआरि थासारि सोमजिदों। मोन 7 खोलोबजों फारियै 19 एप्रिलनिफ्राय 2 मे अक्टिसम खुंजानो गोनां बे सुबुं आफादनि बिसायख'थि दावहानि फोसावदिनाय दुहुम जानाय समजों लोगोसेनो बादायारि दोलोफोरनि दैदेनगिरि आरो मद्रतगिरिफोरनि दोलो नागारानै गुबुन दोलोयाव हाबहैनाय जाथायफोरबो समानैनो होंगो-दोंगो जाथायनायखौं नुनो मोनाय जादों। हादतनि गेजेरावनो गोखौंसिन जाबोना हनयाय बिजेपि दैदेनाय जुथाय हान्जा एनडि ए नि थांखि, बे खेबआव 400 मासिनि बांसिन देरहानायनि थांखि, फिन थायथि खेबनि थाखाय मदि सरकार दाफुनायनि जैरेबादि फोसावदिनायने बेरेखा हान्जानि बिथाखौं थल-थफं खालामनो लानाय बिसायख'थि फोसावदिनायनि दोहौया जौनि राइज्यो आरो हालामावबो गोर्लैफेनायखौं नुनो मोनाय जादों। गुबुन गुबुन राइज्योफोरव माहारियारि थाखोनि राजखांथि दोलोजों लोगोसे ओन्सोलारि दोलोफोरनि थासारि बादिनो जालानाय नुनो मोनाय जायो। दासान्दि फोसावदिनायनि दुहुम सम, मेल-मिति, रेलि खुंनानै फोसावदिनायफोरव दैदेनगिरिफोरनि होनाय बिबुंसारफोरखौं खोनायोब्ला थारैनो बे बिसायख'थिनि उनाव राइज्योआव बेरेखा दोलो थानाय नडा होनायने बुंनाया बयखौंबो सानखांहोंदों। मोनसे समाव राइज्योआव माखासे गोखों ओन्सोलारि राजखांथि दोलोनि सुबुं अन्साय जानाय आरो उन समाव माखासे जौहोनफोरनि थाखाय गोमालानायबो गोबां समाव नुनो मोनाय जाबोदों। बेराफारसै सानफोरमबो दोलो नागारनाय जाथायफोर सोलियाय थानायबो बे सावगारिखौनो फोरमायो होनायने बुंनो हायो। सिगांनि बेफोर जाथायफोरखौं इयुन हमादंगानैनो राजखांथि दैदेनगिरिफोर बिसायख'थि फोसावदिनाय मेल-मितिफोरव बेफोर बाथ्राफोरखौं बुंनो लायो होनायने सानाय जायो। सावरायजानाय आरो बिसायख'थिनि दोहौखो हमादंगानै मोनाय खोरं बादिदै खुंजानो गोनां सुबुं आफादनि बिसायख'थिआव राइज्योनि मोन जिब्रेनि जिने मासिआ एनडि ए हान्जानि बाहागोदार दोलो बिजेपि, इडपिपिएल आरो अ.ग.प. दोलोनि खबजाआव फेगोन होनायने फोसावनायखौं नुनो मोनाय जायो।

बेराफारसै गुबुन बेरेखा दोलोफोरबो दावहायाव जेनायनि बाथ्रा बुनाय नुनो मोनाय जाया। बिसायख'थि दावहानि फोथाराव जायथि-जाया दोलोफोरनो जेनायनि नडा, देरहानो थाखायसो बिसायख'थि गेलेयो। बेखायनो जानो हागौ राजखांथि दोलोनि दैदेनगिरि आरो बादायारि बिजाथिफोर फोसावदिनाय मेलफोरव देरहानायनि अनगायै जेनायनि बाथ्रा बुनायखौं माब्लाबाबो खोनानो मोनाय जाया। बेनो राजखांथि। जाथावैआबो जाथावना जायो। राजखांथियव अरयनि थाखाय लोगोबो थाया आरो सुथुखो थाया। मोनसे समाव लोगोयानो सुथु आरो सुथुरानो लोगो जानायखौंसो गोबांसिनै नुनो मोनो। समाजआरि बिजाथिफोर फोसावनाय बादिदै मोनसे समनि बिपिएफनि लेडइ आफादगिरि आरो दोलोनिफ्राय गोलाव सम मन्थि बिबान सामलायलानाय आरो दानि इडपिपिएलनि हँथायै गोखों गसं बोनाय चन्दन ब्रह्मा बावैसोनि गेजेरावनो इडपिपिएल दोलोआव फेसिमोन। खौराड फारसैथिं खहा आरो गुबुनथिं मुलाम्फा लोबोनायखौं सानहरनो हायो।

दिनैनि फान्जामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेष: रोग थिनि गियानआ बांगोन। फरायगिरिनि थाखाय गाहाम सान।

वृष: बेफार फालागिआव रानि मुलाम्फा मोनो हागोन। फारफ्रोमबो मोजां। गोजोन मोनगोन।

मिथुन: जेखि मावा रांखावरिनि मुलाम्फाया बांगोन। गोजोनखौं मोनगोन। मोजां सान।

कर्कट: मानिबा थाखाय रां खहा जानो हागौ। गोसोखौं हमाथा।

सिंह: जेखि बादायया मानो देरहासार जानो हागोन। बे राशिनि थाखाय गाहाम सान।

कन्या: फालागिरि मावग्रानि थाखाय हागाम सान। मुलाम्फा मोनो हागोन।

तुला: नख'रनि संसार जानायवाव रां खरसा खालामनाया जोबनाय नडा। गोसोखौं हमाथा।

वृश्चिक: सोरनिफ्रायबा रां-खावरि मदत मोनो हागौ। मुलाम्फा जागोन। मोजां सान।

धनु: सोरजोंबा सोमोन्दो गोर खालामनानै लानो हागोन। गोजोन मोनो हागोन। मोजां सान।

मकर: जानला-मोनला खोथा बुनायनिफ्राय गोजानाव थानाय गाहाम। गोसोखौं हमाथा।

कुम्भ: माबाफोर सानाय थांखिफोर दड'बा फैमाल थांनो हागौ। मोजां सान नडा।

मीन: बायदिसिना जेनानि थाखाय जिगा सिनानो हागौ। गोजोननाय गैथैजों सम बारहोनांगोन।

लक सभा बिसायख 'थिनि उनाव कंग्रेसनि दैदेनगिरिफोरा बिजेपियाव जयेन जाबावगोन: गिबि मन्थि शर्मा



गुवाहाटी, 8 एप्रिल : आसामनि गिबि मन्थि हिमन्त बिश्व शर्माया कंग्रेस आरो पार्टीनि दैदेनगिरिफोरखो लानाने माखासे दाबि दैखांदों। बिथाडा बुंदोंदि, कंग्रेसनि दैदेनगिरि राहुल गान्धीनि भारत जड़ न्याय यात्राया आसामजों थांनायनि उनाव राइज्योनि कंग्रेसनि दैदेनगिरिफोरनि पार्टी सोलायनाया जागायदों। जरहाट जिल्लानि तिताबरआव गिबि मन्थि शर्माया मोनसे इन्टरभिडआव गुबै थासारिखौं मिबथिया जासे आसामाव हारि बिथा खालामनाय सुबुं सुमिरिनि आरो मणिपुरनि हिंसा बायदि आयदाफोरखौं दैखानायनि थाखाय राहुल गान्धीखौं सोंखारिदों। बिथाडा दाबि

दैखानानै बुंदोंदि, लक सभा बिसायख'थिनि उनाव कंग्रेसनि आरोबाव माखासे दैदेनगिरिफोरा बिजेपियाव हाबगोन। बै यात्रानि गोहोमा लक सभा बिसायख'थियाव नुजाथिगोन न नुजाया होन्ना सोंथि

खालामनायाव गिबि मन्थिया बुडेदि, भारत जड़ न्याय यात्रानि समाव बिथाडा लामा सामायाव जेना गोनां थांखि आजावदों। कंग्रेसनि दैदेनगिरिफोरजों लोगोसे सरसन्हा सुबुंफोरबो बेनि थाखाय बिथांखौं रागा

जोंदों। बेजों गावसोर (बिजेपि) गोबां मदत मोन्दों। राहुल गान्धीया जायखिजाया हारिनि गुबै हारिमुखौं मिबथिया। बिथाडा गावनि हेफाजाबगिरिफोरजों नायबिजिज आरो सावरायाबो। कंग्रेसनि

दैदेनगिरिया हाबाफारि लानानै फेयोल' आरो सुबुंफोरखौं जेनायाव खोखैलाडे। नाथाय बिजेपिहा जायखि-जाया राइज्योआव थाडामानो बिसोरहा मोनसे रोखा ब्रिफि थागोन, जैरे हारिमुयारिनेसोनआ सोर? माबायदि बाथ्राखौं बुंनंगौ एबा बुंनडा आरो बै राइज्योनि जानो हाथाव जौगाफुफोर मा बायदिफोरखौं मिबथिना लायो। आसामनि गिबि मन्थिया दाबिबो दैखानोंदि, गाव जायखि जाया राइज्योआव थांनायनि सिगां ब्रिफि आरो डि ब्रिफि लायो, जाहाथे जायखि-जाया गोरोन्थि जाया। राहुल गान्धीया बेफोर बायदि ब्रिफि लाया जासेनो फेयो आरो बिथाडा माब्लाबा

समाव गोसो जानानै आरो माब्लाबा मिबथिस्लाबैयाव जायगानि सुबुंफोरखौं अपमान खालामलाडे, जायजों माखासे जेनाफोरबो सोमजियो। आसामा दरसे गोबां हारिनि समाज थानाय राइज्यो आरो सुबुंफोरा गावजों गाव गोरोबज्जलायनानै जिउ खांनायनि गेजेरजों हारिबादखौं फोथाया। सोरबाया जुदि हरखाबै बेयाव फेनानै हारियारि सुबुं सुमिरिनि बागै बाथ्रा बुंफेयोब्ला बिसोरो माब्लाबाबो बेखौं गनायथिनाय नडा। हारियारि सुमिरिनिआ बिहार आरो उत्तर प्रदेश बायदि राइज्योफोरव बान्जाथाव जानो हागौ नाथाय आसामाव जानो हाया होन्नाबो गिबि मन्थि शर्माया बुडे।

गुजरातआव बिजेपिखौं फेजेन्नो थाखाय कंग्रेस आरो आपआ जर'खा थांखि लादों

गोदान दिल्ली, 8 एप्रिल: लकसभा बिसायख'थिफोरव बिजेपिआ जेराव गावसोरनि देरहानायनि अनजिमाखौं बांहोनो थाखाय फोथाराव गसंदों। बेराफारसै कंग्रेसआ गावसोरनि दोलोखौं रैखा खालामनो थाखाय दावहा नांगसिनो दड'। फारसैथिं आम आदमी पार्टीनि थाखाय खुला फोथार दड। गोबां पार्टीफोरा आलादा-आलादा सोलोखांथिखौं लानानै बिसायख'थिनि फोथाराव गावजों-गाव सेलेन्स होलायगासिनो दड। गुजरातखौं भारतीय जनता पार्टीनि गोखों जायगा महैरे गनायना लानाय जायो आरो बेयाव गोबाव समनिफ्रायनो बिधानसभा, लकसभायाव फद' बिबार खिलिनानै दड'। बेयाव कंग्रेस आरो आम आदमी पार्टीआ बिजेपिनि देरहानायनि लाइनखौं फिसा खालामना नाजानायवाव नांथाबदों। बेयाव कंग्रेस आरो आम आदमी पार्टीआ लकसभा बिसायख'थियाव बिजेपिखौं



फेजेन्नो थाखाय जुथाइ दोलो दादों। नाथाय राजखांथियारि नायबिजिजिगिरिफोर गनायदोंदि, खुं थायाव थानाय दोलो बिजेपिआ बे बिसायख'थि ओन्सोलफोरव गोखोडै दड'। मख'नो गोनांदि, गुजरातनि गासै मोन 26 लकसभा मासिफोरव 7 मेयाव भट जागोन। बिसोरनि गेजेराव दाहद, फिसा उदयपुर, बाइडलि, वलसाड साटिनि बिजाथिफोरनि थाखाय रिजाभिसन दड' आरो भरुआ सरासनन्हा थाखोनि मासि। नाथाय भरुचायवबो गोबां आदिवासि थागिबिफोर दड'। आपआ 2022 नि राइज्यो बिधानसभा बिसायख'थियाव

भरुच लकसभा मासियाव गोर्लैनाय डेडियापाइ-एसटि बिधान सभा ओन्सोलनिफ्राय देरहानानै आदिवासि ओन्सोलाव सरकार दानायनि इसारा होदोंमोन। फारसैथिं गुजरातनि आदिवासि गोबां थानाय ओन्सोलफोरव मोनसे समाव कंग्रेसनि गोहोआ थाबाय थायोमोन आरो आथिखालाव पार्टीआ बेनि सायाव गोदानै नोजोर होदों। थांनाय दानावसो कंग्रेस दैदेनगिरि राहुल गान्धीनि 'भारत जड़ न्याय यात्रा' आ बे लकसभा मासिनि सिडाव गोर्लैनाय ओन्सोलफोरजों थांदोंमोन।

स्मृति इरानीआ रायबरेलीयाव कंग्रेसनि सायाव गाग्लोबनानै फोसावदिंदों

रायबरेली, 8 एप्रिल: मिरुआरि मन्थि आरो एमपि स्मृति इरानीआ समबारखालि रायबरेलीयाव सौहैयो। बे समाव बिथाडा कंग्रेसखौं गाग्लोबना बाथ्रा बुडे। अदेबानि मिरुआरि मन्थिआ राहुल गान्धीनि सायाव नोजोर होदों। बिथाडा बुंदों, राहुल गान्धीआ भायनाडनि सुबुंफोरखौं बांसिनै फोथायजाथाव होन्ना बुंदों। राहुल गान्धीआ गावखौंनो भायनाडनि थाखाय फोथायजाथाव होन्ना फोरमायदों होन्ना आमेठीनि एमपि स्मृति इरानीआ बुंदों। बिजेपिनि मावसुमाफोरा मिथिगौदि, गान्धी नख'रा आमेठीनिफ्राय बिसायख'थि



गेलेनो फेगोन। पिएम नरेन्द्र मदिआ आमेठी लकसभा ओन्सोलनि 19 लाख नोगोरारिफोरनो रेशन दैथाइ हरदों, जुदि गान्धी नख'रा नरेन्द्र मदिनि हँथाब्ला बे 19 लाख, जाय नोगोरारिफोरा फ्रियाव रेशन मोनगासिनो, गान्धी नख'रा बे नख'रफोरखौं मा होन्ना बुंगोन? अदेबानि इरानीआ

बुंवावदोंदि, राहुल गान्धीआ भायनाडखौं गावनि नख'र होन्ना फोरमायनायनि खौरं मोन्दों। बियो बायनाडनि सुबुंफोरा फोथायजाथावसिनब्ला आमेठीनि फोथायजाथावनि सोमोन्दै मा बुंगोन। बिथां इरानीआ राहुल गान्धीनि सायाव नोजोर होनानै बियो आमेठीनिफ्राय बिसायख'थि गेलेनो फेयोब्ला, जेनगोन होन्ना बुंदों।

इसर' इउआरएससि अडमिडट राई 2024 खौं फोसावबाय

गोदान दिल्ली, 8 एप्रिल: इसर' इउआरएससि थिसन्थाइनि थाखाय आरज' गाबनाय बिजाथिफोरनि थाखाय मोनसे गोदान आपडेट सफैदों। भारतयारि अखांमा संदानग्रा आफाद (इसर) नि इउआइ राव सेटेलाइट सेन्टार (इउआरएससि) आ गुबुन गुबुन मासिफोराव थिसन्थाइनि थाखाय खुंनो गोनां कम्पिउटर बेस्ट टेस्ट (सिबिटि) आव जिरायनो थाखाय आरज' गाबनाय बिजाथिफोरनि एडमिट कार्डखौं फोसावबाय। बेखौं थांनाय शनिबार 6 एप्रिलआवनो फोसावनाय जादों। बेजों लोगोसेनो इसर'आ



इउआरएससि एडमिट कार्ड डाउनलड खालामनायनि लिंकखौं मावख'आरि वेबसाइट ursc.gov.in आव एक्टिभ खालामना होयो। बिजाथिफोरा बे वेबसाइटनिफ्राय गावनि एडमिट कार्डखौं बख'नानै लानो हासिगोन। मख'जाथावदि, इसर' इउआरएससिआ गुबुन

गुबुन मासिफोर थिसन्थाइ होनायनि थाखाय खुंनो गोनां सिबिटिनि अक्टखौं सिगांआवनो फोसावखदोंमोन। मिरुआ थांनाय 10 फेब्रुवारी 2024 आव फोसावनाय फारिलाइ बायदियैनो आन्जादआ 18 एप्रिलआव खुंजागोन। बेयो हादतनि गासै मोन 22 सहरफोराव बानायनाय आन्जाद मिरुफोरव खुंजागोन।

बोथोर बिफानआ दुंखावनायखौं लानानै एलाट फोसावदों



गोदान दिल्ली, 8 एप्रिल: दिनैनिफ्राय एप्रिल दाननि नैथि सप्ताहया जागायबाय। सा-भारतनिफ्राय लानानै खोला भारतसिम गिखंथाव गरम गोर्लैनायनि इसार होदों। बोथोर बिफाननि बायदिव्ला, बे दाननि फेगौ सानफोराव बेनिखुइ बांसिन गरम जागोन। आइएमडिनि बायदिव्ला, तेलेंगाना, कर्नाटक आरो रायलसिमनि आलादा-आलादा जायगाफोराव दुखावनायनि सन्देह दड'। बेराफारसै माहारियारि राजथावनि दिल्लीयावबो फुं आरो बोथोर सोलायनायखौं नुनो मोन्दों, जेराव फुंनि समाव बोथोराव सरसनन्हा गुसु आरो सान्दुंदाय लोगो-लोगो सुबुंफोर जेनाजों भुगिनांदों। बिफाननि बायदिव्ला, समबारावबो

दिल्लीनि बोथोर स्राडे थागोन। बेनि गेजेरजों उरिष्ठा, सान्जा मध्य प्रदेश, विदर्भ, छतीसगढ़ आरो मराठवाड़नि आलादा-आलादा ओन्सोलफोराव अखाजों लोगोसे सार-अन्थाइ गोर्लैनो हागौ। समबारावबो अखाडा स्राडे थागोन। बेनि उनाव मंगलबारनिफ्राय सोनाबारि नारसिन्थाया एक्टिभ जागोन। बेनि जाहोनाव अखाडाव खावसे जोमै साग्लोबनो हागौ। आथिखालाव बेयो बोथोर आरो अखाडाव जर'खायै गोहोम गोर्लैनाय नडा। नाथाय सप्ताहनि जोबनायाव माखासे जायगाफोराव अखा खोरमनायजों लोगोसे सरसनन्हा अखा हानो हागौ। पाटनाजों लोगोसे मोन 22 सहरफोरनि मेक्सिमाम बिदुडा

कंग्रेसनि जौसाडाव बिजेपिनि बिजाथि कुलस्तेनि सावगारि नुनो मोन्दों

मन्डला, 8 एप्रिल: राहुल गान्धीआ दिनैनिफ्राय मध्य प्रदेशआव लकसभा बिसायख'थि फौसावदिंखौं जागायो। बिथाडा मन्डला लकसभा बियाबनि सिंआव थानाय सिबानि जिल्लानि धनरायव (सहडल) सुबुंगोमा खुंनायाव बिबुंथि लाखियो। अदेबानि बे जथुमाया जागायनायनि सिगांनो मोनसे सावगारिया गोबां सावरायजदों। बे सावगारियानो जादों मिरुनि मन्थि फगान सिं कुलस्तेनि, जाय बिजेपिनि बिजाथि। राहुल गान्धीआ जाय सुबुंगोमायाव बाहागो लानो गोनांमोन बेयावनि



जौसाडाव लागायनाय प्लेक्स बेनारआव बिजेपिनि बिजाथिनि सावगारि नुनो मोन्दों। नाथाय जेब्ले कंग्रेसनि मावफारियाफोर गोरोन्थि जानायखौं मोन्दाथियो अब्ला हाखु-दाखुयै जौसाडाव लागायनाय फले कसआव बिजेपिनि दैदेनगिरि कुलस्तेनि

कंग्रेसनि गुबुन मासिफोरजों रुजुनायाव साबसिन जानानै दड। एसटिनि थाखाय रिजाभिसन 47 मासिफोरनि गेजेराव कंग्रेसआ मोन 22 मासिफोरव देरहादोंमोन। मन्डलायाव मिरुनि मन्थि आरो 6 खेब बिजेपिनि एमपि फगान सिं कुलस्तेजों आगुनि मन्थि आरो डिन्डर एसटिनिफ्राय खेब 4 कंग्रेसनि एमएलए जानाय अंकार सिं मरकामआ बादायगोन, जाय 2014 नि बायदिनो गोखों मोगा-मोगि जागोन। अदेबानि बे समाव कुलस्तेआ देरहासाद जादोंमोन। मख'जाथावदि, मध्य प्रदेशआव लकसभा बिसायख'थिया मोनब्रे खोलोबाव खुंजागोन।

लिमारिक

(1)

मोजां मोनाबालाय मानो आं नोंखो फुजा
खालामो ईसोरनि खाथियाव मोनगोबा
मोनगोबा नोंखो
सोर्गोआदि आनि थोथोर बोथोर
समआलाय थांबाय बेबादिनो बोसोर बोसोर
बे जोनोम मोनसेआव जुलि लानो लुबैयो
आं नोंखो।

(2)

उनाथि नायोबोला भुमिकांन महर
मादि जादु गोनां नोंनि थाबायनाय महर
बिखायाव खलम लाथिनांनै लिरना हरदोमोन
आं नोंनिसिम लाइजाम गानै।
सानफ्रोमबो नुजाफैयो आनि गोसोसिडव
नोंनिल' महर।

(3)

दानि सिख्लाफोरखौलाय मा नायनो ?
नुबोला लुबैलायगोन गोसोसो थोनो
हाबाब मादि सना मुखि दाउ मैनानि राव
रायज्जायो बिसोर बयजोबो इराजील' राव
बिसोरनि लामा दथायाव थानानै सेंग्राफोरखौ
एदाव नायखौ मा नायनो।

(4)

सानदोमोन आं अनजलि मुनि
नोंखोनो आं बे जोनोमआव हाबा
खालामोनो,
नाथाय नोंदि आंखौ नेउसिलांबाय
जानांबाय आं दिनै गोदाउ सोराव।

मुस्त्रि प्रेम गयारी

ला:सो:- आमलाइगुरि

जिला- चिरां, बि टि सि

आंनि हेंथा

मुस्त्रि निर्मल चन्द्र बसुमतारि

बे फैलाव बुहुम बिखायाव

आं जोनोम लायो।

जोनोमजों लोगोयाव आंहा गोरिब,

आरो आलाइ-सिलाइ,

जाहोनाव आं-

जेब्ला हायाव लुद्रु-लुद्रा गेलेंथिडे,

सिख्लाइ एमफैया....

आंनि फेन्दा खेरेफायाव अरफबो।

जेब्ला आं उन्दुयो,

उराव एम्फोफ्रा....

आंनि मोदोमाव खेब-खाब अरखुमायो।

जेब्ला हराव आं गोदो गोदो उन्दुलाडे,

आंखौ थाम्फेफ्रा अरगिललाडे।

जेब्ला न'याव, जिरायगलाडे।

आंनि मोदोमाव दावखुमैफ्र-

मानसाव-खुप्साव अरफबो।

आडे जेब्ला फरायसा जिउ-

आंनि उदैया आंखाम आंखि गैयामोन।

मालायनि गिजि गब्लं सिफोरखौसो गानोमोन,

बिबादिनो बिफोरजोंसो आं फराय नाडेमोन।

आं जेब्ला लाउखार हाग्रायाव मोसौ गुमहैयो,

आंनि आइथिफ्राव लुवारफ्रा अरगिललाडे।

आं जेब्ला दाहोना दुब्लियाव हालेव हैयो-

आलि दानो- खोयो मावो-

आंनि आइथिफ्राव बेद्लावफ्रा ज'ज' बाथाबना अरगिललाडे

आं जेब्ला सि जौसा हादानाव आबाद मावहैयो,

सान-हर,मैदेर नेनानै मेगन मोदै-

आं उन्दुस' न लाडे जाजोबलाडे।

जेब्ला आं मेघालयाव खैला जावहैयो

आंनि लोगोया खैलाजों फबजाना थैलाडे।

बेयावनो आं आला दिड-

आंनि समा औरैनो

गोबां जेंनाजों सौग्रावना-

आं फेफिन नाडे-

बिदिनो आंनि हेंथा।

जिउनि लोगोआव

माखौ लाना दुगायो

माखौ खोमाना दाहा लायो ?

जेबोध' गैया बेव ,

जा दं लोगोआव जिउल'।

फैनाय थानाय अराय हारसिं,

लाफा हाया लोगोआव मुंसेबो मुवा।

अब्लाबो मानो बुडे सुबुआ

बे आंनि बै नोंनि।

गावजों गाव नांलाय खमलाय,

अरायबो बुलाय सोलाय।

फै थां अराय हारसिं

जिउनि दान्दिसे समाव।।

मुस्त्रि देतुं बरगयारी

गामि- आमगुरि, ला:सो:- कारिगाव

जिला- कक्राझार, बि टि सि आसाम

सोरखौ सोर

मालाय सान्दों

नै आगोमा बर' जोहोलावफोर

बर' बिमानि गोबोनिफ्राय जोनोम लाबाय नोंसोर

माखौ सान्दों माखौ मावदों

सोरखौ सोर मालाय सान्दों ?

फेदेरनो गेग्रेब ग्रेब बिमानि देराखौ

बेसेन होनो सुबुं जिउमाखौ

नाथाय नड बिनि अनगायै-

गावजों गाव जोबसांनयनि दावहा सोरजिबाय।

सोर दड जोहोलाव नोंहा नखराव ?

गैया रावबो गैया नखरानो फिसाखा।

फिसा नखरखौ गिदिर फेदेरनो

हारिनि महर मुस्त्रिखौ फोजोंखानो।

बर' हारिनि आलादा राज्यो दानो, सिमां नुनाया-

जाबाय दिनै जोहोलावफोर

बिदा फंबाय बुलाय-सोलाय, दानलाय सुलाय,

आरो नुबावबाय सोनाय गैया फिन्नाय गैया

गोसोम उखुन्दैनि गेजेरजों

A.K. 47 नि बिपनि गुलिजों

अन्थाय बिखानि बबा रायज्जायनाय।

ल'हाया जिउ,राव, गियान, धोराम गैया

नाथाय मानसि हादि-

जिउ दं, गियान धोराम दं मानोथो-

रायज्जायनो रोंदिया, सान्नो रोंदिया, बुजिनो हादिया-

अ' मानसिया मानसि नंला।

नों आंखौ गावथारदों खहाया नोंनिनो जादों

आं नोंखौ गावथारदों खहाया आंनिनो जादों

नाथाय नोंनि आरो आंनिल' खहा नड

बिजिरलु आखुनि गोहोआ दिन्थियो

बेवहाय दुलाराय बर' हारिनि।

मोजाड मोजां सान्दों गात्रिया गात्रि बुजिदों-

बिदा-फंबाय गबायलाया जादों

नाथाय बेवहाय लाजिनाय गैया।

बुजिनाय गैया बिजिरनाय गैया

धोराम गैया अनलायनाय गैया

बेनो नामा जोहोलाव-

हारि सिबिनाय राज्यो दाबिनाय

माहारि फेदेरनाय, मास्टर रेस दानो सान्नाय:

बिमानि मोदै हुगारनाय ?

आं जिगा सियो गाबो फिसाफोर

आंहा गोबों दं बिखा दं

फिसाखौ खानायनि बासायनायनि

हारिखौ मोजां मोन्नायनि सिबिनायनि

आं दुखु जायो फिसाफोर नोंसोरबो दुखु जादो

आं मोदै गयो फिसाफोर नोंसोरबो मोदै गदो।

बिदा फंबायजों खौसे जाफिन्दो,

बर' हारिनि इयुननि गोजोन नखरखौ

गोदाने दाफिन्दो

सानलायदो बुजिलायदो गोरोबलायदो

दुलाराय बर' हारियानो खौसे जाफिन्दो।

प्रदीप कुमार बसुमतारि

कक्राझार

बिबार

बिबार, बिबार

मानो बारो नों बिबार ?

सानसे सान्नेनिल' सम लानानै।

मिथिंगा बिखायाव थारैनो नों

गेवलां-गेवथां, समायना-रमायना

बारनानै नों बिबार।

बेसेबां समाय होदों नों

जोंनि मुलुग संसारखौ।

गोमो-गोथां, गोजा, गुफुर गलाफ

बायदि गाबनि नोंनि महरा।

थारैनो नों बेसेबां हाइना गोनां

समायना-रमायना बिबार।।

जेबोला नों गावदां बिबारा

गेवलां-गेवथां बारफुनानै थायो

अबोला नोंखौ बयबो खानो लुबैयो।

गोसो जायो नोंखौ बयबो

गोबों बिखायाव बोजबनानै लानो।

नोंखौ नुब्लानो थानो हाया

फागला जायो बेरे सिखिरिफोराबो

नोंनि गोदै बिदै सोबनो,

उदां अखोरानि बिखा सा-सा बिबरायनो

बिबाराव बानानै थानो।।

नाथाय मानो नों बिबार

दसे समनि थाखायल'

फैमालनि भावथिना गेले लाडे।

नोंनि बे हाइना गोनां

बारफुनाय गावदां महराबो

बोथोर सफैब्लानो हारिंडे सिरियेनो

ज्रय सिरिलाडे बे

बिमा बैसोमुथिखौ गोबानानैनो।।

मुस्त्रि बोहेंथि बसुमतारि

गामि- रायबारी

जिल्ला- कक्राझार

रंजालि गथ'फोरनि सौरा

थासारि

मोनसे जायगाल' नंड

गासै ओनसोलानो गोग्लैसोनाय

उन जानानै थानाय

दा बेफोरखौ सुफुंनो

सम सुजुग जाबाय

बेनि थाखाय मोनसे

नांगौ गोजोन थासारि।

-सबिराम बर'
राबां, बाक्सा

न'

सान थांसि थांसि

हर थांसि थांसि

आं मोनो

माब्लाबा माबेयावबा

सिमां मिजिंखौ होसो होसो

आंनि न'खौ मोनफैसानदै समखौ।

बारहुंखा फैथेसि फैथेसि

अखा हाथेसि हाथेसि

गोसोआ गिखाडे

बै र्गुनिफ्राय न'सिम फेनाय लामायाव।

सुखु-दुखु,गाबनाय-मिनिनाय

मावनाय-दानाय,जानाय-लोनाय,

गावनि गुबै न'नि अनगायै

आबु उदांसि गैया।

गोबाय गिजिब्लाबो

मादि मुहिनि दं

बे न'आव।

जानांगौ बयनिबो न'आ

गावनि आंगो।

-राजिब दैमारि
बाक्सा

नेवसि जानाय गोसो

बे मोजां मोननाय नि गेजेराव

नडमोन आं दायनि गिरि।

लानांबाय दायखौ रुजुनानै आं,

नागार लांबायनो आंखौ!

अब्लाबो नोंखौ गोसो खानानै लिरो

आं हरखि सान लाभ लेथार

नोंखौ गोसो खानानै सुजुयो

आं खन्थाय रायथाय।

फोरमाय हरनो सानोमोन

नाथाय गैया रावनिबो हेफाजाब,

साया माया गेले फैबाय थायो

नों आंनि बिखायाव।

लाबाय आं नोंनि मुंखौ

बिखायाव सोनानै।

अराय जिउनि थाखाय

गोसो खांबाय थायो आं नोंनि महरखौ

नाथाय नुवा आं मोकथांआव

नोंनि महरखौ लाय।

मुस्त्रि जोंसार नाजरी
गामि-खान्थालगुरि

हास्थायनाय आंनि अनजिमाखौ ?

हास्थायदों आंनि गोसोआ

अनजिमानि फारसे।

गैया मालाय अनजिमानि

गोसोआ आंनि फारसे

सानदोंमोन आंलाइ अनजिमाखौ

लानानै बे संसार उजिगासेयाव

रुजु-रुमु राइजो जालानो।

इसोरानो हराखै आंनि

खाफालाव अनजिमानि फारसे

हास्थायनाय। इसोरा आंनि

हास्थायनायखौ हरोमोनब्ला

जाफुंसारगौमोन अनजिमानि

फारसे गैया नाथाय

आंनि खाफालाव अनजिमानि

लिरनाय दं आंहा आंनि

गोसोआव दुखु दाहा। खाफालावनो

गैया आंहा हास्थायनाय आंनि

अनजिमाखौ।

मुस्त्रि अजय कुमार बसुमतारि

गामि- थालिटबारी

ला:सो:- सिम्बरगाव

जिला- कक्राझार, बि टि सि आसाम

गोरोबनै खन्थाइ

समाव खन्थाइ रेबनो सानो

माथो फैया सोदोबानो

थारैनो सोरबा सोरबाया

ओरैनो बुंमारबो खाया

जायनो हरदम रेबबाय थाया

बिनो हामारा होननाया

धोराम गियान थानायानो

रगाखौ हायो जिमायनो

रगा दुगा गैया जानो

नांगौ दोहोराम सिबिनो

मोजां सानसिखौ लाखिनो

नांगौ धोराम गियान नोंनो

नों जानाड रागा जोंग्रा

जानांगौ रागा नेवसिग्रा

मोजां गोसोनि मानसिया

मालाबाबो दुगा खाया

जाय बादिया मोजां मानसि

बिनाव थाया मोनसा मोनसि

आंखालनि नखर संसाराव

हरदम नुनो मोनो आराव

-रैदोम बर', बाक्सा

बारदै सिख्ला

मिथिंगानि लोगो

बारदै सिख्ला,

जाइलि खोमसि

नोंखौ नायब्ला,

गिथाव बाथाव

महर मोखोंआ

फैयो नों सिनानै

खुगा हां-हां।

जिउनि आंग्रियाव,

जोबरोडै गाबजों

मा मैया दिन्थियो नों

अन्नायनि गिरि।

बेसेबा महरजों गेलेदों

गोमो होयो बावहोयो

नों माया गिरि।

मुस्त्रि रोमै रोमै बर'

फकिराग्राम पाब्लिक गोर्जा फरायसालि

गामि:- धिनकना

अबोला आं मा खालामनो!

नै बे गुवार संसारनि

थिं थिं गुदुं हाउ हाउ बालाबारियाव

दै गांगोन आं थाबाइनो बायो।

दै गुदुं हाउ हाउ बालाबारिखौ

आं बारलानो गियो।

रावनिबो आगान आरो

तामुलपुर दखरा फरायसा आफाद रंजालि बैसागु फोर्बो आरो 35 थि बोसोरसालिया जथुम्मा खुंनो थियारि जादों

तामुलपुर, 8 एप्रिल: तामुलपुर दखरा फरायसा आफादनि गाहाइ मावखुलिनि लांगोनायाव फैगो 1 बौसागुआव सानसेनि हाबाफारिजों रंजालि बैसागु फोर्बो आरो 35 थि बोसोरसालिया जथुम्मा खुंनो साखा-फारा खालामगासिनो। हाबाफारि बादिदै बे सानखालि फुंनि 9 रिगायाव दुलाराइ आसाम फरायसा आफादनि फिफरफिलाखौ बिरहोगोन तामुलपुर दखरा फरायसा आफादनि आफादगिरि उतपल हालैआ। फुंनि 9.15 रिंगायाव मुंखलंफोरनो मान बाउनाय हाबाफारियाव आलारि

बाथि फोजोंगोन तामुलपुर जिल्ला आसुनि लेडाइ आफादगिरि अनुप कलिताआ। बिबार बाउजेनगोन तामुलपुर दखरा आसुनि गाहाइ नेहाथारि तुषार कलिताआ। फुंनि 9.30 रिंगायाव बैसागुनि फिफरफिला बिरहोगोन आसाम रैनियारि मिरुनि मावफुंगिरि चक्रधर तालुकदारआ। पुंनि 9.45 रिंगायाव सुधाकन्थ भुपेन हाज'रिकानि मुसुखायाव बिबार बाउजेनगोन तामुलपुर जिल्ला आसुनि गाहाइ नेहाथारि सरन्जन रभाआ। 10

रिगायाव तामुलपुर दखरा आसुनि आफादगिरि उतपल हालैनि दैदेनायाव खुंनाय थान्दै आरो आयदा सायख'नाय मेलखौ बेखेवनानै होगोन तामुलपुर जिल्ला आसुनि फादगिरि सन्तध पाटवारीआ। गाहाइ आलासि महरै बाहागो लागोन तामुलपुर जिल्ला आसुनि बोसोनगिरि पुनं देका। हांखाय जानाय आलासि महरै तामुलपुर जिल्ला आसुनि मावखुलि नेहाथारि पल्लव डेका, रंखास्थि नेहाथारि प्रान्जल दास, तामुलपुर जिल्ला आसाम रैनियानि गाहाइ

लिंथुमगिरि उपेन दास आरो तामुलपुर जिल्ला आसाम जौगाथां आफादनि आफादगिरि रुबुल दासआ बाहागो लागोन। बेलासिनि 3.30 रिंगायाव बोर लानाय हाबाफारि, 4 रिंगायाव गेवलां बिहु मोसानानै दिन्थिफुंनयखौ बेखेवनानै होगोन तामुलपुरनि सौरागुरि फाहामथाय सिबिगिरि मुनिन कुमार दासआ। मोनाबिलिनि 6 रिंगायाव जुथाय आलारि बाथि फोजोंनाय हाबाफारि खुंनाय जागोन होनानै बान्जाय आफादआ मिथिहोदों।

मंगलदै त्रिनयन संगित फरायसालिमायाव बिहु मोसानायनि मावबादा खुंदों

कलाइगाव, 8 एप्रिल: मंगलदैनि त्रिनयन संगित फरायसालिमानि गोरायुं गुरु कुशल डेकानि बान्जायनायाव फरायसालिमायाव सान 4 नि हाबाफारिजों खुंनाय बिहु मोसानाय मावबादाया दिने खुंफुंजायो। मख'नो गोनांदि, बे फरायसालिमानि सत्रिय मोसाखावरिफोरजों लोगोसे मंगलदै सहरनि अनगायैबो दर, उदालगुरिनिफ्राय फैनाय बिहुवतिफोर बे मावबादायाव बाहागो लानानै मोसानायनि आदब सोलोंनानै जोबथा साननि हाबाफारियाव फरायसालिमानि गोरायुं गुरु कुशल डेकानिफ्राय बोर लायो। रायखानो गोनांदि, गुरु



कुशल डेकाआ बोसोफोमबो फरायसालिमायाव बिहु मोसाखावरिफोरनि रंग'थिखौ मंगलदै त्रिनयन संगित मोसानाय मावबादा खुंनो फोजोंखानो हदों।

(□ 1 बिलाइनिफ्राय)

राभा राहित्य सभानि सनाथि माइथाय फोर्बो आरो 51 थि गायसन्थाय सान फालिनाया थुंगेबाय

बेखेवनाय हाबाफारियाव गाहाइ आलासि महरै गुवाहाटी मुलुगसोलोंसालिमानि बिबुंगोर एबा मुदांखा धुनलाइगिरि उ उपेन राभा हाकसामनि नुजाथिनायाव गोर्बो लिगिरिफोरनि गासै गां 119 बिजाबफोरखौ बेखेवनानै होनाय जायो। बेलासिनि 2:00 रिंगानिफ्राय दुलाराय राभा साहित्य सभानि आफादगिरि अमर सिं कचनि मासि सामलायनायाव गेवलां मेल खुंफुंनय जायो। गेवलां मेलयाव गाहाइ आलासि महरै बिटिआरनि गाहाइ मावफुं सोद्रोमा प्रमद बर'आ बाहागो लानानै गावनि बिबुंथियाव दुलाराय राभा साहित्य सभानि बे हाबाफारिनि गेजेरजों राभा क्रिस्टि हारिसुवारि रवआ आगानसे दावगाबावसिगोन होनानै फोरमायथियो। राभा माहारिनि गोबाव समनि जुजिबोनारनि जाहोनाव सरकारआ राभा हासंखौ 6 थि फारिलाइयाव सोसनगोंनि थंखिखौ गोदान दिल्लीयाव दैथायहरबाय होना फोरमायनानै बे खेबनिफ्रायनो राभाफोरबो बिमा रवजोंनो गुदि सोलोंथाय लानो हासिगोन होना फोरमायो। गेवलां मेलयाव बान्जाय आफादनि आफादगिरि एबा गसाइगाव बिधान सभा बियाबनि एमएलए जिरन बसुमतारि, मावफुं सोद्रोमा उ निलुत सर्गीयारि, रेव-रेवा नाजीहारि आरो रन्जित बसुमतारिजों लोगोसे गोर्बो मख'जाथाव आलासिफोरनो बाहागो लानो हानायखौ नुनो मोन्दों।

बिटिआरनि सिमा बारायनाय आरो सनितपुराव हानि जेंनाखौ आबुडै सुस्रांजोबनाया थाबैनो ..

खुंफुंदों। मेलखौ बेखेवनानै होयो सनितपुर जिल्ला एबसुनि गाहाइ नेहाथारि एनस मोसाहारिया आरो सांप्राथि मेलवनो गाहाइ आलासि महरै बाहागो लायो मिरु एबसुनि मानगोनां बुंथिगिरि अबित नाजरीआ। गाहाइ आलासि महरै बाहागो लानानै बिथाड एबसुआ सोलोंथाइनि सायाव लानाय मिसन, समाजआरि थारि, उन्दै बैसोआव हाबा जानाय आरो खोमसि फोथायनायनिफ्राइ हारिया खहा जानायनि सायाव गुवारै बिबुंथि लाखियो। बिटिआरनि सिमा बारायनायनि खामानिया इसे गोहेलो जादोंब्लाबो बिटिआरनि सिमा बारायनाय आरो बिटिआर गोरोबथाजों सनितपुराव हानि जेंनाखौ सुस्रांनाया थाबैनो आबुडै मावफुंजाजोबसिगोन होनानै गावनि बिबुंथियाव दाजाबदेरनानै बुंवावो। सांप्राथि मेल हाबाफारियावनो सनितपुर जिल्ला एबसुनिफ्राइ फारियै लोगो आफादगिरि रुपम दैमारी, नेहाथारि बगराम मोसाहारि, सानसुमा नाजरी, लोगो बुंथिगिरि आदिम स्वर्गियारी, सुबुं फोर्नाजोब नेहाथारि संकर ज्यती कछरी आरो गेलेमु नेहाथारि अरुन नाजरीया।

गसाइगावआव आसाम तूनमुल कंग्रेसनि...

तूनमुल कंग्रेसआबो साखा-फारा जादों। दिने कक्राझार लक सभा बियाबनि गसाइगावआव आसाम तूनमुल कंग्रेसनि बिजाथि गौरिशंकर शरनियाखौ लाफानानै बिसायख'थि सामब्लाय मावखुलिखौ बेखेवनानै होयो आसाम तूनमुल कंग्रेसनि आफादगिरि रिपुन बराआ। बिसायख'थि मावखुलि बेखेवनानै रिपुन बराआ बिटिएडिआव गासै मोन 3 गोरोबथा खानायनि उनावबो जौगाथाय फैयाखौ होनानै गोर्बो अजद देखाडे। बिथाड बुडेंदि, कक्राझार लक सभा बियाबआव दिनेसिमबो जौगानाय फैयाखौ। तूनमुल कंग्रेसनि बिजाथिया देरहानायनि उनाव बिटिआरनि गोहोआ बांगोन, मिरुनिफराय फाडनि गनायथिया बांहोनाय, हानि मोन्थाय होनायजों लोगोसे गाभि-गाभि राइजो-राजाफोरनि मोब्लव, गोगो लोंगा दै, लामा-दालां, सोलोंथाइ बायदि गासैबो बिथिखव जौगानाय फैगोन होनानै बिथाड बुडें। आसाम तूनमुल कंग्रेसनि आफादगिरि रिपुन बराआ बुडेंदि, सोनाब बंगआव जैर बायदिथै तूनमुलनि मोजां खुंथाय सोलिदों, कक्राझारआवबो राइजो-राजाफोर मोजां खुंथाय नागिरदों। बे खेबाव राइजो-राजाफोरा बिजेपि, एजिपि, कंग्रेस, बिपिएफ, इडपिएल गासैबो दोलोखौनो नेवसिगारदों। मानोनो बिसोरो राइजो-राजाफोरखौ फोथायखेबस' खालामदों। बेनि थाखायबो बे खेबाव राइजो-राजाफोरा सोलायनाय नागिरनानै तूनमुल कंग्रेसखौ बजबनानै लादों होनानै बिथाड बुडें। लक सभा बियाबनिफ्राय बिसायख'थियाव बेसेबां भरजों देरहागोन बेखौ गिबि मन्थिनि आखाइयाव इभिएमनि साबि दड'ब्ला अब्ला बिथाड बुंनो हागोन होना खोंसिलायै सोंखारिनानै कक्राझार लक सभा बियाबनिफ्राय तूनमुल कंग्रेसनि बिजाथि गौरिशंकर शरनिनियानि देरहानाया रोखा होनानै बिथाड बुडें। बे हाबाफारियाव आसाम तूनमुल कंग्रेसनि गोर्बो दैदेनगिरि-मावथिफोर बाहागो लायो।

कक्राझारआव हारि-माहारिनि हारिमु आरो बिहु मोसानायनि मावबादाया खुंफुंजाबाय

बैसागु सन्मिलनीनि हेफाजाबाव बालाजान गुदि फरायसालिनि गेलेग्रा फोथारव 7 साननि हाबाफारिजों खुंनाय हारि-माहारिनि हारिमु आरो बिहु मोसानायनि मावबादाया दिने मोनाबिलियाव जाफुंसार महरै खुंफुंजायो। मख'नो गोनांदि, हारि-माहारिनि हारिमु आरो बिहु मोसानाय मावबादायाव बिहु मोसानायजों लोगोसे बर'फोरनि बागुरुम्बा मोसानाय, कच-रजबंशनि कुशान मोसानाय आरो खेराइ मोसानायनि मावबादाबो खुंनाय जायो। बे मावबादायाव उन्दै-उन्दै गथ'साफोरजों लोगोसे सा 300 निबो बांसिन लाइमोन सिखलाफोर बाहागो लायो। दिनेनि जोबथा साननि हाबाफारियाव बिहु, बागुरुम्बा, गवालिन, कुशान मोसानानै दिन्थिफुंनय जायो। गुबुन फासैथि, हारि-माहारिनि हारिमु आरो बिहु मोसानायनि मावबादानि जोबथा हाबाफारियाव एबसुनि गाहाइ नेहाथारि खनिन्द्र बसुमतारिआ बाहागो लानानै मोसानाय मावादा खुंनयनि थाखाय फरायसा आफादनिमिस साबायख'र जासिनानै बे बायदि हाबाफारिया खौसेथि आरो बिदा-फेबायनि दौलेंखौ गोर्बो खालामनायनि बिथिखव जर'खा बिफाव लागोन होनानै फोरमायो। जिनेनि जोबथा साननि हाबाफारियाव आसुनि लेडाइ आफादगिरि नबन्थति राय, आफादयारि नोहाथारि कंकनन्थति शर्मा, नाथ जिगि फरायसा आफादनि आफादगिरि अरबिन्द नाथजों लोगोसे आक्रासु, आसुनि जिल्ला मावथिफोरबो बाहागो लायो। जोबथा साननि हाबाफारियाव सोलोंसाफोरनो फोरमान बिलाइबो गथायनानै होनाय जायो। मख'नो गोनांदि, दिने जोबथा साननि हाबाफारियाव बाहागो लानाय गोर्बो नायगिरिफोरनि सिगाडव सोलोंसाफोर बागुरुम्बा, खेराइ, बिहु, गवालिन, कुशान बायदि मोसानानै दिन्थिफुंनया नायगिरिफोरनि गोसोखौ मुहि होनो हायो। बे मावबादायाव फोरंगिरि महरै बिहुरख बान्था मोनगिरि बरबिहुवा जयन्त सन'वालजों लोगोसे बिलिप नाजरी आरो प्रितम कचआ फोरोंथाय होयो।

(□ 1 बिलाइनिफ्राय)

नैथि खोलोबनि बिसायख'थियाव मोन 5 बियाबाव सा 61 ...

गावनि बिजाथि लाइखौ बोखानानै लाफिनो। नैथि खोलोबनि लक सभा बिसायख'थियाव गासै सा 61 बिजाथिफोर बिसायख'थि गेलेगोन। बेनिनो दर-उदालगुरि लक सभा बियाबाव सा 11, डिफु लक सभा बियाबाव सा 5, करिमगन्ज लक सभा बियाबाव सा 24. शिलचर लक सभा बियाबाव सा 8 आरो नगाव लक सभा बियाबाव सा 13 बिजाथिफोरनि बिजाथि लाइया गेबें होनानै फोसावनाय जायो।

रामकृष्ण मन्दिरनि थालाखौ सिमफायनानै बिमा कालीनि...

मोर्खानि बेराखौ बारनानै गाहाइ मन्दिरनि थालाखौ सिमफायना मन्दिर सिडव हाबलाडे। मोखाडव जि गोसोम खाथेनाय सिखावफोर बिमा कालीनि गोदोनानि माला, गन्थनि नाफकुल आरो थिक्लिजों लोगोसे दान बाक्सुनिफ्राय नोगोद रंबो लानानै थाडे। फुंनि समाव फुजारिआ मन्दिरव हाबनो नागिरनाय समावनो थालाखौ बायनाय नुनानै सोमोनांनो हयो। उनाव फुजारिआ मन्दिर सिडव हाबनानै सना-रुपा गोमानाय आरो रं गोमानायखौबो हमनो हायो। लोगो-लोगोनो फुजारिआ सेवा आसम सामलाय आफादनो मिबथिहोनायाव सामलाय आफादआ बे बाथ्राखौ पुलिसनो मिबथिहोयो। खौरं मोनानै गसाइगाव थानानि पुलिस बिबानगिरि निदुल गौनि दैदेनायाव आसाम पुलिसनि मोनसे दोलोआ जाथाय सालियाव नुजाथि हैनानै थारिनि खौरं लाहैयो आरो नायबिजिरसनायखौ जागायजेनो। मख'नो गोनांदि, सिखावआ दान बाक्सुयाव थानाय रंखौ लानानै थाडे आरो दान बाक्सुखौ मन्दिरनि साखाथियावनो गारनानै गालाडे।

कक्राझार साइ फोरोंथाइ मिरुआव क्रिटिनि सायख' ...

कक्राझार साइ फोरोंथाइ मिरुनि बान्जायनायाव दिनेनिफ्राय जागायजेनाय रंग'थि नागिरनाय सायख' बादयाव गाहायै फुटबल, एथलेटिक्स आरो बकिंस जों लोगोसे मोनथाय खोलोबाव गेलेगिरिफोरखौ सायख'नाय जागोन। दिनेनि गिबियाव फुटबलनि खोलोबाव खुंनाय सायख'नाय हाबाफारियाव आसामनि गुबुन गुबुन जिल्लानि सा 300 निबो बांसिन गेलेगिरिफोर बाहागो लायो। बे सायख' बादयाव सायख'जानाय गेलेगिरिफोरखौ फिन दिल्लीयाव खुंनो गोनां सायख' बादसिम लानाय जागोन। मख'नो गोनांदि, सायख'जानाय रंग'थि गोनां गेलेगिरिफोर साइनि हस्तेलाव थानानै गेलेनायजों लोगोसे सोलोंथाइ लानायनि खाबु मोन्नो हागोन। मिथिनो मोन्नय बादिब्ला, दिने फुटबल, गाबोन एथलेटिक्स आरो बेनि उनाव बकिंसनि थाखाय रंग'थि गोनां गेलेगिरिफोरखौ सायख'नाय जागोन। बे सायख' बादयाव राइज्योनि गासै सा 1000 निबो बांसिन गेलेगिरिफोर बाहागो लागोन होनानै मिथिनो मोन्नाय जादों।

सालबारि भकुवामारियाव गं 8 फार्मासिखौ बन्द' खालामदों

मोनसे हान्जाया भकुवामारि बाजारव फसंजानाय फार्मासियाव नायबिजिरसनाय गं 8 फार्मासिनि फोरमानलाइ, साइन बर्ड गैयालासेनो आइन बेरेखायै सामलायबाय थानायखौ हमनो हायो। मुलि नायबिजिरसंगिरिआ गं 8 फार्मासिखौ बन्द' खालामनानै होयो। बेबायदिनो सालबारि महकुमानि बेखनाव थानाय सलिकान्दा बाजारवबो गंसे आरो घरामारा बाजारव गंसे फार्मासियाव फाहामगिरिनो मुलि कम्पानीआ होनाय सेमुलु मुलिफोरखौ आइन बेरेखायै फानबाय थानायखौ हमनो हायो। सलिकान्दा बाजार आरो घरामारा बाजारव सेमुलुनि मुलि फानग्रा गंनेबो फार्मासिनि हेंथायै गोर्बो राहा नाजवानाय जाबाय होना बाक्सु जिल्ला मुलि नायबिजिसंगिरि इशर चन्द्र हाजरिकायाआ मिबथिहोदों।

धुनलाइ जांख्लानि 19 थि जख'न्थाइया खुंफुंजाबाय

खुंनाय जायो। बे हाबाफारियाव गोदान-गोजाम लिगिरिफोरजों दान्दिसे सम लोगो हमलायनायजों लोगोसे गावबा-गावनि खहाब गोनां लिगिरिफोरखौ फरायथिनाय जायो। बे जख'न्थाइखौ मासिगिरि बिबान लानानै लाइमोन साहित्य अकाडेमि बान्था मोनगिरि माइनावरि दैमारीआ सामब्लायदोंमोन।

(□ 1 बिलाइनिफ्राय)

समनि हांखायनायावसो आं इउ पि पि एलआव हाबनो नागिरदों: चन्दन ब्रह्म

बिपिएफ दोलोआव बिबान सामलायबोबाय थानाय बिपिएफनि लोगो मिरु आफादगिरि चन्दन ब्रह्मआ मिबथि मोनै जाहोनाव थानाय 3 बोसोरनिफ्रायनो सि-स्नाय थाबाय थानायनि उनाव दिने बेबायदि हरखाब फोसावथाय होनायाव फैबाय थानाय समावदि बिपिएफ दोलोआ गेदेरथार ख'हा जानो थंगासिनो दड बेखौ रोखा नुहरदों। खौरंगिरि मेलयाव चन्दन ब्रह्मआ फोरमायनाय बायदिब्ला 12 एप्रिलनि बेलासिनि 4:00 रिंगायाव चिरंनि सदर काजलगावआव इडपिएल दोलोआव हाबसिगोन। बे सानखालि ब्रह्मजों लोगोसे गोर्बो दोलो आफाद फसंथानफोरनिफ्राय गोर्बो दैदेनगिरिफोर आरो हेफाजाबगिरिफोरनो इडपिएल दोलोआव हाबगोन। बे हाबनायनि सोमोन्दै बारा' मन्थिआ खौरं बिजोनि सिगाडव फोरमायनाय बायदिब्ला, समनि हांखायनाय बायदिथै इडपिएल दोलोआव हाबनो नागिरनाय जादों। जेबो सार्थ गैयालासेनो ओन्सोलनि अरायथा गोजोन गायसन्नाय, जौगाखानाय आरो खौसेथिनि खामानि मावनायनि सार्थयाव बे थांखिखौ लादों होनानै रोखा फोरमायथिदों। चन्दन ब्रह्मनि इडपिएलआव हाबनाया प्रमद बर' दैदेनाय इडपिएलखौ गोर्बो गोहोगोरा खालामनायजों लोगोसेनो राइज्योनि रजखास्थि एबा बिटिसिनि रजखास्थियावबो गोर्बो गोहोम खोखलैगोन होनानै रजखास्थिनि फोथारव सांग्रां राइजोफोर सावरायसोलायनायखौ नुनो मोन्दों।

भारतवर्षनि राजखान्थियाव कंग्रेसआ खामानि गैयै जाबाय: उर्खाव गोरु

एनडिनिफ्राय बिजाथि फसंनाय मोन 14 मासियाव एनडिनि बिजाथिआ देरहानायनि फासै सिगादों। कक्राझारव एनडिनि आरो इडपिएलनि बिजाथि जयन्त बसुमतारि, बरपेटयाव एनडिनि एबा अगपनि बिजाथि पनिधर चौधुरीआबो गोर्बो भटनि फारागथिआव देरहागोन। धुबुरीआवबो कंग्रेस आरो एआइडिनिफ्राय भटआ बोखावजानायाव एनडिनि बिजाथि जाभेद इस्लामआ देरहागोन। आसामावल' नड गासै भारतवर्षआवनो कंग्रेस दोलोआ खामानि गैयै जाबाय। कंग्रेसआ जेबो सुबुं बिथा गैलिया आरो मुदांखाबो नंलिया। कंग्रेस गैयैनि ऑथिआ गाहाइ बेरेखा दोलो गैया। -बेबादि बिबुंथिजों बेरेखा दोलोखौ गोर्बोखौ सोंखारिनानै आसाम सरकारनि केबिनेट मन्थि उर्खाव गोरु ब्रह्मआ दिने सालबारिनि बरटारिआव खुंनाय इडपिएलनि मोनसे मावफारिया मेलआव बाहागो लानानै खौरं बिजोनि सिगाडव फोरमायदों। खौरं बिजोनि मोनसे सोंथिनि फिन्नायाव मन्थि उर्खाव गोरु ब्रह्मआ बिपिएफ दोलोखौ सोंखारिनानै बुंदोंदि, बिपिएफ दोलोआ आखायाव गदा फिदिगासिनो दड। बिपिएफ दोलोआ दिनेबो रोखा खालामनो हायाखेदि, बिसोरो सोरनि हेंथायै बादायलायगोन। दर-उदालगुरियाव बिजेपिआ बिजाथि फसदों। बिपिएफ दोलोनि बिजाथि दुर्गादास बर'निमिस सोंथि दैखनाय जायोब्ला, गावनि हेंथा बादायारिआ सोर जागोन ? बे समाव बिथाड जेबो बुंनो हानाय नड। दर-उदालगुरिआव बिजेपिआ बिजाथि फसदों, दुर्गादास बर'आ इडपिएलखौ सोंखारिगारिनो दड। बिजेपि एबा एनडिनि नेम-खास्थिनि सायाव बिथाड जेबो बुड। एनडिनि बिजाथि दिलिप शयकियाखौ गावारि महरै गागलोबगासिनो दड' दुर्गादास बर'आ। बेनि थाखायनो बिपिएफआ दिनेसिमबो रोखा खालामनो हायाखौ, गावसोर सोरनि हेंथायै बिसायख'थि बादायलायगोन। बिपिएफआ सोंखारिदोंदि, बिटिसिनि रजखायनाय इडपिएलनि सरकारआ फेलें जादों। नाथाय बिटिसि सरकारआ इडपिएल आरो बिजेपिनि जुथाइयै सोलिगासिनो दड। बिपिएफआ बिसायख'थि बादायलायनि सोमोन्दै सोरखौ हेंथा बादायगिरि महरै लादों, बेनि सोमोन्दै जेबो थांखि गैया। बिपिएफआ बे खेबनि बिसायख'थिआव सोमोन्दो गैयै जादों।

गुबुन फासै जिएसपि दोलोनिफ्राय बिटिसिनि मावफुं सोद्रोमा घनश्याम दासनि इएम (मावफुं सोद्रोमा) मासि दानख' जानायनि सोमोन्दै मोनसे सोंथिनि फिन्नायाव मन्थि ब्रह्मआ बुंदोंदि, घनश्याम दासखौ आं गावारि महरै गाज्जि मोना। नाथाय बिटिसिआव एनडिनि बान्जायनायाव सामलायजानाय इडपिएल-बिजेपि-जिएसपि दोलोनि सरकार सोलिगासिनो दड। नाथाय जिएसपि दोलोनि आफादगिरि आरो एमपि नबकुमार शरनियाआ बुंनो होदोंदि, जिएसपि दोलोआ एनडिजों लोगोसे गैया। बेनि थाखायनो एनडिनि बान्जायनायाव खुंजाबाय थानाय बिटिसि सरकारनि घनश्याम दासआ मावफुं सोद्रोमा जानानै थानायनि खास्थि गैया। मन्थि उर्खाव गोरु ब्रह्मआ सालबारि बियाबनि सिडव थानाय बरटारी, सालबारि, रुपहि आरो रामशात्तारीआव आलादा-आलादायै खुंनाय इडपिएलनि मोनब्रै मावफारिया मेलव बिबुंथि होनायजों लोगोसे दोलोनि मावफारियाफोरजों बाथ्रा सावरायलायनानै कक्राझार लकसभा बियाबनि बिजाथि जयन्त बसुमतारिखौ देरहा होनो थाखाय बिसायख'थियारि सोलोखास्थि थियारि खालामो। मावफारिया मेलवनो सालबारि बियाबनि एमसिएलए जय मोसाहारि, सालबारि टिसिएलसिसिनि मासिगिरि बिन्द मोसाहारि, इडपिएलनि सालबारि जिल्ला आफादनि गाहाइ नेहाथारि सुरेश सरकारआबो बिबुंथि होनायजों लोगोसे इडपिएलनि दैदेनगिरिफोर फाखि बिकन गयारी, सत्यजित बर', अशक बर', शरट पाठक, रमनि दैमारी, मालति सर्गियारी, जहुगु खातुन, डालिमो केरकाटारि, दिलिप सर्गियारि, प्रदिप सरकार, काजु चौधुरी, तानेश्वर बसुमतारि, आबुल रौफ, कनिन सर्गियारिमोनजों लोगोसे माखासे दोलोनि दैदेनगिरिफोर बाहागो लाफेदों।

मुदैबारि ब्लक इडपिएलनि बान्जायनायाव भेरगाव जिल्ला अबिसि सेलनि मेल खुंदों

नाहरबारि नबन्थति संघआव खुंनाय मेलआव भेरगाव जिल्ला इडपिएलनि आफादगिरि निर्मल बर'आ आफादगिरि मासि सामलायदों। बे मेलवनो भेरगाव जिल्ला अबिसि सेलनि आफादयारि मेलव एनडिए सरकारनो बेसेन गोसा भटखौ धुनो समाइखिरा लायो। बे मेलव बाहागो लाफेदों अबिसिनि जिल्ला आरो मिरु बिबानगिरिफोरजों लोगोसे भेरगाव जिल्ला इडपिएलनि खुंथायारि नेहाथारि एन्तनो बसुमतारि आरो मुदैबारि ब्लक इडपिएलनि आफादगिरि पबित्र बसुमतारिजों लोगोसे दोलोनि दैदेनगिरि-मावफारियाफोर बाहागो लाफेनाय बे मेलव 4 नं दर-उदालगुरि लकसभा बियाबाव जुथाइ दोलोनि बिजाथि दिलिप शयकियाखौ गोर्बो भटआव देरहाहोनो मेलआव समायखिरा लायो। दन्धर नाथ आरो दिलिप नाथजों लोगोसे सा 50 बिपिएफनि मावफारियाफोर इडपिएल दोलोआव हाबफेदों।

खोला सावथुननि स्टाइलीश सुपारस्टार आल्लु अर्जुननि सावथुन पुष्पा: दा रुलनि टिजारआ रिलीज जाबाय

आल्लु अर्जुनआ फिन खेबसेबाव स्क्रीनआव दोहो सोमजिहोना थाखाय साखा-फारा जादों। पुष्पा राजनि सल'नि सिक्वेलखौ माखासे सप्ताहफोरनि गेजेरावनो बेखेवनो साखा-फारासै। बे समावनो सावथुन पुष्पा:दा रुलनि टिजारआ रिलीज जायो, जेराव गोजा चन्दन बिफां आरो बेनि राजा पुष्पा राजनि सिखाव फालागिनि फालागिखौ नुनो मोन्याय जादों। आल्लु अर्जुनआ 8 एप्रिलखालि गावनि जोनोम सान फालिदों। बे जर'खा फालिथायनि बुब्लियावनो पुष्पा: दा रुलनि टिजारखौ फोसावनाय जायो। जाय फाव खुंगुरनि अनसायगिरिफोरखौ सोमोनाहोदों। पुष्पा:दा रुलनि टिजारआव आल्लु अर्जुनखौ आबुडे गोदान महराव नुनो



मोन्याय जादों। साड़ी, गहेनाफोर आरो आबु मेकआपजों पुष्पा नि बे नुथाया सावथुननि बागै रंजानायखौ बांहोना हदों। 1 मिनट 8 सेकेन्डनि बे टिजारआव आर्थिनिफ्राय खर 'सिम अर्जुनआ गावनि नुथायजों सोमोनांथाव।

टीजारआव बिथानि एक्शनआ पुष्पा राजनि गोहोजों बुंफबनाय दिन्थिफुनायनि मोनसे नुथाय होयो।

पुष्पा: दा रुलनि टिजार रिलिजखौ बानायगिरिफोरा बावैसो सिगां फोसावदोंमोन। सासेनि उनाव

सासे अर्जुननि नुथायनिफ्राय पर्दाखौ बोखारनाय जादों। रबिबारखालि सावथुननिफ्राय फावखुंगुरनि आबु नुथायखौ फोसावनाय जायो आरो टिजार रिलिजनि बागै मोनसे आपडेट होनाय जायो। बेबादि समावनो दायो पुष्पा: दा रुलनि टिजारखौ

दिने समबारखालि फोसावनाय जायो। बे सावथुनआ चन्दन आरो बेनि सिखाव फालागिनि पुष्पा राजनि सल'नि सायाव बिथा खालामनाय। थानाय 2021 माथथायव रिलीज जानाय पुष्पा: दा राजआ सासे जिद्दी आरो सोमोनांथाव पुष्पा राजनि बयनिखुइ देरसिन सिखाव फालागिनि जानायनि सल'खौ दिन्थियो। जोबनायाव पुष्पा राजआ गावबादि सासे जिद्दी पुलिसजों मोगा-मोगि जायो। दायो बे सल'आ पुष्पा 2 आव सिगांथिं आवगायलांगोन आरो सानैनि गेजेराव सुथुरनि मोनसे गोमोथाव खोन्दो नुनो मोनगोन। जोबनायाव सोर देरहागोन बेखौ नायनाया बयनिखुइबो गोसो बोथावना जागोन। पुष्पा: दा रुलखौ सुकुमारआ दिथा होदों। एखे समावनो दिहुनाया मैत्रि मुधि मेकर्सजों खालामजादों। पुष्पा: दा रुलआव आरोबाव आल्लु अर्जुनजों लोगोसे रश्मिका मन्दना आरो फहद फासिलखौ फाव खालामनाय नुनो मोनगोन। बे सावथुनखौ बेहैथि बोसोरनि भारत उदासि सान फालिथाय 15 आगस्टखालि सिनेमा हलफोराव रिलीज खालामनाय जागोन।

फावखुंगुरि सानी लियनीआबो मोजां मोनलायनायाव थगायजानानै गोसो बायगिलनांदोंमोन

सानी लियनीआ सावथुन मुलुगनि मुंदांखा फावखुंगुरिफोरनि गेजेराव सासे। सानीनि खाउरिआ फावदिन्थिनाय मुलुगाव खारनाय नड जानो हागो नाथाय बिथाड माखासे जुनिया मेथाइ खालामदों। बिनि मेथाइनि बाथ्राया अनसायगिरिफोरनि सालाइयाव गाखोनो सम लायाखैमोन। बेबी डल सानी लियनीया सासे गिदिर बिमाजों लोगोसे सासे गिदिर बिसि। सानी लियनी आरो डेनियल वेबरनि जुलिया 13 बोसोर आबु जाफेबाय। बिसोरनि जुलि जानाय जिउखौ नायनाय बयबो सानो दि आबु जुलिया मा।



नाथाय नोंथाड मिथियो ना डेनियेलनि जिउआव फैनायनि सिगां सानी लियनीआबो गावनि गोसोखौ सिफानांदोंमोन। सानी लियनी आरो डेनियल वेबरआ सासे आबु जरा जानो हागो नाथाय बियो फावखुंगुरि

गिबि मोजां मोनलायनाय नड। बे बाथ्राखौ सानी लियनीया गावनो डेटें रिपेलिटी स्व'आव फोरमायदों। गुबैयै, जोबथा एपिसडआव सासे बादायगिरिया गावनि बायनाय रादाइनि थाखाय गोबां गावगासिनो

दडमोन। बे समाव सानीया बिथांखौ बोजबदोंमोन आरो बिथांनो गावनि बायनाय सिमांनि बागै खोन्थादोंमोन। सानी लियनीनि सोमोन्दै रायज्जायनायाव बिथाड बुंदोंमोन, डेनियलखौ लोगो मोन्यायनि सिगां आनि जिउआव सोरबा सासे सुबु दडमोन। आं बिखौ मोजां मोनोमोन। जौनि हाबाया दान मोननैल' सम दंबावसैमोन। जों हावाइआव जुलि जानांगोमोन। जायनि थाखाय जों रां होदोंमोन, नाथाय आं मोन्दांबाय थादोंमोनदि माबा मोनसे गोरोन्थि जादों। आं बिथांनो सोदोंमोनदि, बियो आंखौ दा मोजां मोनो नाम। नाथाय बिथाड नेगेटिभ फिनाय होदोंमोन। बै समाव आंबो जोबोद गोसो बायदोंमोन। नाथाय बि थांनायनि दानसे उनाव डेनियेलआ आनि जिउआव फैदोंमोन आरो आं दिने गावखौ जोबोद खाफाल गोनां होन्नाय सानो। सानी लियनीनि सावथुनफोरनि बाथ्रा बुडेवला, बिथांखौ बोसोर 2024 माथथायव गोबां गिदिर सावथुनफोराव नुनो मोनगोन। सानी लियनीहा आथिखालाव पाइपलाइनआव मोनथाम हिन्दी सावथुनफोर दं, जेराव कका कला, हेलेन आरो दा बेटल अफ भीमा कोरे गांवाबो दं। बेनि अनगायैबो बिथांहा गोबां तामिल आरो मालयालम सावथुनफोर बो दं। मोनफ्रामबो सिजननि बायदि बे सिजनआवबो, बिथांजोखौ स्प्लिट'सबिलाखौ हस्ट खालामनायनि बिबान लानाय नुनो मोनो, जेराव बिथाडा तनुज भिरवानीजों लोगोसे हस्ट खालामदों।

आंहा जिउआव मोनसेल' दिथा दं आरो बेनो आंनि खामानि: टाइगर श्रफ



बड़े मियां छोटे मियांनि फावखुंगुर टाइगर श्रफआ गावनि सावथुननि थाखाय गिबि खौरांआव दं। टाइगरखौ अक्षय कुमारजों लोगोसे गावनि सावथुनखौ गोखोडै फोसावनाय नुनो मोन्दों। सावथुन फोसावनाय समाव फावखुंगुरआ गावयारि आरो जिउ राहायारिजों सोमोन्दो गोनां सल'फोरखौबो फोसावगासिनो दं। बिथाड मोनसे मोगा-मोगियाव गावनि सोमोन्दोनि स्टेटासनि बागै राफन्लायदों। टाइगर आरो दिशा पाटानीनि सोमोन्दोनि

खौरांआ गोबां समावनो हेडलाइन्सआव थायो। बबेखानि बिसोर सानैबो दासिमबो गावजों गाव डेटिं खालामनायखौ गनायना लायाखै। सुलुनि बायदिब्ला, जेव्हा फावखुंगुरखौ सौनाय जादोंमोनदि बिथाड हारसिं नामा। नोंथानि जिउआ बबे दिगाव थांगासिनो दं? अब्ला टाइगर श्रफआ बे सौंथिनि फिनायखौ जोबोद रुजुजायै रोखोमै होदोंमोन। फावखुंगुरआ मोनसे मिनिथाना महैरि फिनाय होदोंमोन आरो बुंदोंमोनदि आंहा जिउआव मोनसेल' दिथा दं...

आरो बेनो आंनि खामानि। बेनि सिगाडव बड़ेमियां छोटेमियांनि फावखुंगुर अक्षय कुमारआबो सावथुननि ट्रेलदर लन्विनि समाव टाइगर श्रफजों फेस्ला खालामदोंमोन। जेव्हा बिथांखौ सौनाय जायोदि, नोंथाड टाइगरानो मा बोसोन होनो लुबैयो अब्ला फावखुंगुरआ बुडे, आं टाइगरानो खोन्थानो लुबैयोदि जोंखौ रोखोमसे दिथायाव लाखि। बेनि उनाव, फावखुंगुरि अलाया एफ, मानुषी छिल्लरजों लोगोसे बैयाव थानाय गासैबो मिनिनो हयो। आली आब्लास जाफरजों दिथाहोजानाय सावथुन बड़े मियां छोटे मियांजों साननै उनाव थामहिनाब 10 एप्रिलाव रिलिज जागोन। टाइगर श्रफ, अक्षय कुमार, अलाया एफ आरो मानुषी छिल्लरनि अनगायैबो सनाक्षी सिन्हा, पृथ्वीराज सुकुमारनजों लोगोसे गोबां स्टाफोरखौ बे सावथुनाव नुनो मोनगोन।

अक्षय कुमार आरो अजय देवगनआ गुबै जिउआव गावजों गाव खाथि जानो हागो, नाथाय गावसोरनि सावथुननि बेलायाव बिसोर सानै सुपरस्टारफोरा इसेबो गोरोबथा खालामा। जेव्हा बिसोर सानैबो गाव-गावनि सावथुननि अक्खौ थि खालामो अब्ला बिसोर थियेटरफोरावल' फेयो। फिन खेबसेबाव, अक्षय कुमार आरो अजय देवगननि गेजेराव जानाय गिदिर मोगा-मोगिखौ बिसोरनि अनसायगिरिफोरा नुनो मोनगोन। जेराव अक्षय कुमारआ टाइगर श्रफजों सावथुन बड़े मियां छोटे मियांजों बक्स अफिसआव ओंखारनो साखा-फारा जादों। बेफाफासे अजय देवगनआ मैदानजों सिनेमा हलफोराव ओंखारगोन। बे मोननै सावथुनआ 10 एप्रिलखालि ईदिनि जर'खा फालिथायाव बक्स अफिसआव मोगा-मोगि जागोन। अजय-अक्षयनि मोननैबो सावथुननि एडभान्स बुकिंखौ भारतआव बेखेवनाय जादों। जाय

आल्लु अर्जुनआ पुष्पा स्टाइलआव जोनोम सान फालिदों



आल्लु अर्जुनआ आथिखालाव खोलानि अनगायैबो दुलाराय भारतनि गाहाइ फावखुंगुरफोरनि गेजेराव सासे जानो हाबाय। पुष्पा: दा राइजनि जाफुंसारनाया बिथांखौ दुलाराय मुलुगावनो मुंदांखा खालामदों। बे सावथुनआ बिथांनि थाखाय जोबोद खाफाल गोनां फोरमान जादों। मानोना बे सावथुननि गेजेरजोंनो बिथाड गिबियै हायुडरि बान्था मोननो हदों। दिने आल्लु अर्जुननि जोनोम सान। खोला सावथुनआव स्टाइलिश स्टा र महरै बयजोंबो मिथिजानाय आल्लु अर्जुनआ 43 बोसोर बैसोआव आगान होबाय। बे जर'खा सानआव बिथाड अनसायगिरिफोरनिफ्राय गोबां हामब्लायथि मोन्दों। आल्लु अर्जुनआ ससियेल मिडियाआव जोनोम साननि गोबां हामलाइथि मोन्दों। नाथाय बयनिखुइबो जुनिया

लामाजों बिसि स्नेहा रेड्डीआ हास्थायदों। स्नेहा रेड्डीखौ गोबां समावनो गावनि फिसाइनि सायाव अन्याय होनाय नुनो मोनो। बे खेबाव बिथाड बेखौनो खालामदों, नाथाय थानाय खेबनिफ्राय मोनसे गुबुन आरो गुबुनसिन स्टाइलआव। आल्लु अर्जुनआ माखासे सान सिगां मैडम तुसादआव गावनि ममनि मुसुखाजों पज होदोंमोन। बे मुसुखाखौ पुष्पा नि आइ उइल नट बोर स्टाइलआव बानायनाय जादों। स्नेहा रेड्डीआ हर गेजेरनि फोर्बेनि सावगाफोर शेरार खालामदों, जेराव अर्जुनखौ बिथांजोजों पज होनाय नुनो मोन्दों। केकनिफ्राय लानानै साजानायसिम स्नेहाया फावखुंगुरनि थाखाय मोनसे गोसोखांथाव सान बानायनो थाखाय अर्जुननि मोनफुनायफोरखौ दिन्थिफुडे। केकआव मैडम तुसादआव बानायनाय अर्जुननि सावगाफरिनि मुसुखाफोर दं। बेजों लोगोसे, अर्जुननि सायखं सावगाफरिया बेकग्राउन्डआव रोखोमसे स्टाइलआव बेखुदों। फावखुंगुरनि जोनोम सान फालिनायजों लोगोसे स्नेहा रेड्डीनि नुथायाबो नोजोर बोनो हदों। थाई गोजौ स्लिट गुफुर ड्रेसआव बिथांजोखौ सासे गाहाइ फावखुंगुरनिफ्राय खम नुनो मोन्याय जायाखै। पुष्पा 2 नि टिजारखौ आल्लु अर्जुननि जोनोम सानाव फोसावनाय जायो। सावथुननि बानायगिरिफोरा फावखुंगुर आल्लु अर्जुननि जोनोम सानजों लोब्बा लाखिनाय 8 एप्रिलखालि फुनि 11.07 रिंगायाव टिजारखौ फोसावनाय होयो।

गाहाम देहानि राहा

बे मोन्थाम फिथाइफोरखौ माखासे गोरोन्थिजों जानो नाडा



बांसिन सुबुंफोरा फिथाइखौ जायोब्ला देहायाव बेसेबां मुलाम्फा मोनो बेखौ मिबथियाबो जानो हागो। जुदि जों फिथाइखौ थोजासे बिबांआव जायोब्ला, बेयो जोंनि देहाखौ माखासे बेरामफोरनिफ्राय रैखाथि होनायाव मदत होयो। माखासे खेब सुबुंफोरा फिथाइफोरखौ गोरोन्थि नेम-खाथिजों जायो। फिथाइफोरनि सोमोन्दै मोनसे सौंथिया साफ्रामबो सुबुंफोरनि गोसोआव फेयो जानांगौदि, थारैनो जों फिथाइखौ जायोब्ला, बिगुरखौ गारनांगो ना गारनाड ? ग्रेटर नइडानि जिआइएमएस देहा फाहामसालियाव हाबाफारि मावग्रा मुंदांखा डायबेटिसियन डक्टर आयुषि यादवआ फोरमायनाय बायदिब्ला, आफेल, थालिर आरो खमलाखौ माखासे नेम-खाथिजों जानांगो।

जायो। मख'नो गोनादि, गासैबो फिथाइफोरनि नेसारआ आलादा आलादा जायो। माखासे बिथाइफोरखौ बिगुर गारनो नाड आरो माखासे औरैबायदि फिथाइफोर दडजायखौ नोंथाड बिगुरे जानो हाया। 2. जौनि गेजेराव माखासे औरैबायदि सुबुंफोर दड, जायफोरा आफेलखौ जानाय समाव बिगुरखौ गारो। नाथाय बेवायदि खालामनाया मोजांनड मानोना बिगुरखौ गारोब्ला आपेलनि फाइबारआ आलादा जायो आरो बे फिथाइनि आबु मुलाम्फाखौ देहानि थाखाय मोनो हाया। 3. खमलाया मोनसे औरैबायदि फिथाइ जायखौ जों गोबां गोसो

होसारनाने जायो। जों बेखौ बिगुरेनो जानो हाया। नाथाय खमलाखौ जानाय समाव मोनसे बाथ्राखौ नोजोर होनांगौदि, बेनि सिडव था नाय थाखोसे बिगुरखौ आलादा खालामनो नाडा अब्लासिम जों बेनि गासैबो मुलाम्फाखौ मोनो हायो। 4. गोबां सुबुंफोरनो थालिरखौ बिगुरेनो जानाय नुफराखै एबा जाफेराखै जानो हागो। थालिरनि बिगुरआव भिटासिम बि 6, भिटासिम बि 12, पेटासियाम आरो कार्बहाइड्रेट मोन्याय जायो। नाथाय थेवब्लाबो बेनि बिगुरखौ जानो नाड। (नट: बेखौ बाहायनायनि सिगां डक्टरनियाव सुबुरुन लानाया मोजां।)

बड़े मियां छोटे मियां आरो मैदानआ बक्स अफिसआव गोरोन्थिजों बादायलायगोन

अक्षय कुमार आरो अजय देवगनआ गुबै जिउआव गावजों गाव खाथि जानो हागो, नाथाय गावसोरनि सावथुननि बेलायाव बिसोर सानै सुपरस्टारफोरा इसेबो गोरोबथा खालामा। जेव्हा बिसोर सानैबो गाव-गावनि सावथुननि अक्खौ थि खालामो अब्ला बिसोर थियेटरफोरावल' फेयो। फिन खेबसेबाव, अक्षय कुमार आरो अजय देवगननि गेजेराव जानाय गिदिर मोगा-मोगिखौ बिसोरनि अनसायगिरिफोरा नुनो मोनगोन। जेराव अक्षय कुमारआ टाइगर श्रफजों सावथुन बड़े मियां छोटे मियांजों बक्स अफिसआव ओंखारनो साखा-फारा जादों। बेफाफासे अजय देवगनआ मैदानजों सिनेमा हलफोराव ओंखारगोन। बे मोननै सावथुनआ 10 एप्रिलखालि ईदिनि जर'खा फालिथायाव बक्स अफिसआव मोगा-मोगि जागोन। अजय-अक्षयनि मोननैबो सावथुननि एडभान्स बुकिंखौ भारतआव बेखेवनाय जादों। जाय



सिगांनिफ्रायनो बुकिंआव सिगांसिनाव दं आरो सोर उनाव दं बेखौ नोजोर होनो हायो। बड़े मियां छोटे मियांनि एडभान्स बुकिंआ माखासे सान सिगां गुबुन हादरआव जागायजेन्दोंमोन। नाथाय भारतआव अनलाइन बुकिंआ मैया थामहिनबा रबिबारखालि खुलायै दडमोन। एडभान्स बुकिं जागायनायनि सिगां अक्षय कुमार आरो टाइगर श्रफआ गावसोरनि बयनिखुइबो नेबाय थानाय सावथुनखौ जोबोद गोखोडै फोसावदों। बबेखानि बेनि गिबि साननि एडभान्स बुकिंआव जेबो

जर'खा मुलाम्फा नुनो मोनाखै। सुलुनि बादिब्ला, बड़े मियां छोटे मियांनि गिबि सानआव 4 रोजा 449 टिकेट फाननाय जादों। दासिम सावथुननि गासै बुधुमनाया 14.21 कौटिसिम सौहैबाय। बड़े मियां छोटे मियांआ गासै 3 रोजासो श्व' मोननो हदों। लासै-लासैनो बे सावथुननि बुधुमनाया बांलांबाय थागोन। गुबुन फार्स अजय देवगनआ सिगांनिफ्रायनो शैतानजों बक्स अफिसआव खहा खालामगासिनो दं आरो दा बिथाड सासे फुटबल कच महरै मैदानजों फिन अनसायगिरिफोरनि खाथियाव

फैफिनो साखा-फारा जादों। मैदाननि एडभान्स बुकिंजों आंजिनाया गुबुन हादरआव जोबोद मोजां फिनाय मोन्दों। बड़े मियां छोटे मियांजों लोगोसे भारतआव सिगांनि सानाव मैदाननि एडभान्स बुकिंआबो जागायजेन्दों। बेनिखायनो बेसोर मोननै सावथुननि गेजेराव बादायलायनाया सोल्लिगासिनो दं। आथिखालाव एडभान्स बुकिंआव आवगायगासिनो दड होन्नायै बुडेवला अजय देवगननि सावथुन मैदानखौनो नोजोरख गोर्लेयो। बे सावथुनआ दासिम बक्स अफिसआव गासै 14.94 कौटि बुधुमनाया।

बिमा जाखांनयनि उनाव रुबीना दिलेकआ श्व'खौ हस्ट खालामगोनखौ मोनसे भिडिअनि गेजेरजों इसारा होदों

फिसा पर्दानि मुंदांखा फावखुंगुरिफोरनि गेजेराव सासे रुबीना दिलेकआ आथिखालाव गावनि बिमा जानायनि दावबायनायजों रंजागासिनो दं। बिथाड गावनि फिसाजोफोरजों फट आरो भिडिअफोर ससियेल मिडियायाव शेरार खालामबाय थायो। रुबीना आरो बिथांनि फिसाइ अभिनभ शुक्लाया थांनाय बोसोराव जावजा फिसाजोफोरखौ बरायदोंमोन। बेजों लोगोसे फावखुंगुरिखौ बिमा जाखांनयनि उनाव गावनि सावथुन चल भज्ज चलियेनि फोसावनायबो नुनो मोन्दों। रुबीनाया ससियेल मिडियाआव मोनसे भिडिअ शेरार खालामदों, जेराव बिथाड गावनि इडटुब श्व'नि गुबुन मोनसे सिजनखौ फोसावनायनि



भिडिअ शेरार खालामदों। रुबीनाया गावनि इनस्टाग्रामआवबो मोनसे भिडिअ शेरार खालामदों, जेराव बिथाड गावनि इडटुब श्व' किसने बाटा नहींनि गुबुन मोनसे सिजननि मोनसे नुथाय दिन्थिदों। बे भिडिअखौ शेरार खालामनाय समाव बिथाड मोनसे गोलाव कैप्सनबो लिरदों आरो गावनि श्व'नि गिबि एपिसडनि बागैबो इसारा होदों। फावखुंगुरिया

कैप्सनआव लिरदोंदि, आं बायदि रोखा रावबो खिन्थियाखै, बिमा जानो थाखाय मा खालामनांगोन। बिसोरो बुडे, दरसे गामिया सासे गथ'खौ जोथोन लानांगो, बेनि थाखाय फे माखासे मोनदांथिफोर आरो जेनाफोरनि सायाव सावरायनि जायखौ सासे बिमायाल' खिन्थानो हायो। औ, जों जौनि इडटुब चनेलाव बिमा जानायनि दावबायनायनि

सोमोन्दै आरोबाव मोनसे गोसो गुदु बोथोरजों फैफिनबाय। बेयो जोबोद रंजाथाव आरो आनि गोसोनि जोबोद खाथियाव जागोन। बे खोन्दोआव नोंथाड नुनो मोनगोनदि नोंथाड गोबाव समनिफ्रायनो मा नायनो लुबैदों। बेनि सिगाडव फावखुंगुरिआ मोनसे मोगा-मोगियाव फोरमायदोंदि, बिथांनि कारआ थांनाय बोसोरनि जुन दानआव मोनसे जात्रथाय जादोंमोन। बै समाव बिथाडा गोर्बोआव थांनायनि गिबि दानथामआव दंमोन। जात्रथायाव बिथांनि गथ'फोरा रैखाथियै बारा'दोंमोन। फावखुंगुरिआ बुंदोंदि, जेव्हा बिथांजोजों वेफोर गासैबो जादोंमोन, अब्ला बियो थाम घन्टासिमहालागै गावदोंमोन।

चीनआ ताइवाननि सायाव गाजि नोजोर होदों, चीननि दिडा सान्थि जाहाजफोरा लैथो सिमना साखाथियाव दावबायथिंदों

ताइपे, 8 एप्रिल: ताइवाननि हायुडारि रैखाथि बिफानआ बुंदोंदि, बिस्पोर रबिबारखालि फुंनि 6.00 रिंगानिफ्राय समबार फुंनि 6.00 रिंगानि गेजेराव ताइवाननि खाथि-खाला मोनब्रे चीननि दिडा सान्थि जाहाजफोरखौ ट्रेक खालामनो हादों। एक्सआव मोनसे मावख'थारि टुइटाव ताइवाननि रैखाथि बिफानआ बुंदोंदि, दिने फुंसिम ताइवाननि साखाथियाव गं 6 उरां जाहाजफोरखौ (टिसि+8) हमनो हादों। आरअसि आम्ड फसेंसआ थासारिखौ नोजोर होदों आरो फिननाय होनो थाखाय आरजाथाव गोहोफोर थिसन्दों। ताइवाननि रैखाथि बिफाननि बादिब्ला, ताइवाननि रौनिया



हान्जाफोरा थासारिखौ नोजोर होगासिनो दं आरो चीननि हाबाफारिफोरनि फिन्नाय होनो थाखाय नाव रौनिया जाहाज आरो बोरिमायारि खाथिफोरखौ थिसन्दों। बे समाव मोनसेबो पिपुल्स लिबरेशन आर्मि (पीएलए) बिरखंआ ताइवान स्ट्रेट मिडिल लाइनखौ

बारफेराखैमोन एबा हादरनि अखां रैखाथि सिनायथि ओन्सोल (एडिआइजेड) आव हाबफेयाखैमोन। बेनि सिगाडव ताइवाननि हायुडारि रैखाथि बिफानआ 6 एप्रिलखालि फुंनि 6.00 रिंगानिफ्राय 7 एप्रिलखालि फुंनि 6.00 रिंगानि (जायगायारि सम)

हादरनाडेनो खारनाय गं 6 चीननि दिडा सान्थि जाहाजफोरखौ ट्रेक खालामनो। 6 एप्रिलआ ताइवाननि हायुडारि रैखाथि बिफानआ शुक्रबारखालि फुंनि 6.00 रिंगानिफ्राय आरो शनिबारखालि फुंनि 6.00 रिंगानि गेजेराव ताइवाननि साखाथियाव गं 7 चीननि दिडा

सान्थि जाहाज आरो गंसे बिरखंखौ नुनो मोन्दों। ताइवाननि हायुडारि रैखाथि मन्थि बिफान (एमएनडि)नि बादिब्ला, चीननि बिरखंआ ताइवाननि सान्जा अखां रैखाथि सिनायथि ओन्सोल (एडिआइजेड) आव हाबफेदों। बेनि फिन्नाय महरे ताइवानआ चीननि सोमावसारनायखौ नोजोर होनो थाखाय बिरखं, दिडा सान्थि जाहाज आरो अखां रैखाथि मिसाइल खाथि थिसन्दों। बे दानआव दासिम ताइवानआ खेब 40 आरो दिडा सान्थि जाहाजफोरखौ खेब 45 ट्रेक खालामनो। सेप्टेम्बर 2020 माइथायनिप्रय चीनआ ताइवाननि सोरगिदि सोलिबाय थायाय रौनिया बिरखंफोर आरो दिडा सान्थि जाहाजफोरनि अन्जिमाखौ बाहोनाने ग्रे जन मावखाथि बाहायनायखौ बाहोदों। ग्रे जन मावखाथिखौ दिदोम-होबथायाय रज्यो आरो खोथा होनायनि बाइजोआव नाजानायनि मोनसे फारि महरे बेखेवनाय जायो। जाय थोंजों आरो गोबां गोहोनि बाहायनाय गैयाजासे रैखाथिनि थांखिफोरखौ मोनफुंनो नाजायो।

जेरुजालेम, 8 एप्रिल : इज्राइलनि गाहाइ मन्थि बेन्जामिन नेतन्याहुआ थांनाय रबिबारखालि बुडेदि, इज्राइलआ गाजा दावहायाव देरहानो एसेल' आगान सुरनांसिगौ। बिस्पोर समायखिरा लादोंदि, जेब्लासिम हामासा आ गासै जोबथेना लाखिजानायफोरखौ उदां खालामा अब्लासिम दावहा दोन्थ'नाय जानाय नडा। हामासनि उतखारिफोरनि गेजेरजों इज्राइलनि सायाव गाग्लोबनायनि उनाव 7 अक्टबरखालि जागायनाय दावहाया 6 दान आबुं जानायाव मोनसे कबिनेट जथुमायाव पिएम नेतन्याहुआ बे बाध्राखौ बुंदों। बेनि सोमोन्दैये बिथाड बुंवावदोंदि, जों देरहानो बारा गोजान गैलिया, नाथाय जाय बेसेनखौ सुख'दों बेयो गिखंथाव आरो बिखा गाउथाव। हारिमायारि थासारिजों लोगोसे काहिरायाव दावहा दोन्थ'नो सावरायनाया जागायफिन्नो हासिगौ। नेतन्याहुआ गोनांथि होनानै बुंदोंदि, इज्राइलआ रादायनि थाखाय थियारि जाबाय नाथाय गावसोरखौ गथाइनो



थाखाय थियारि जायाखै। मख'नो गोनांदि, थांनाय 1 एप्रिलआव गाजा उरां जाहाज गाग्लोबनायाव आमेरिकायाव थायाय फुट सेरिटि एनजिअ वलर्ड सेन्ट्रल किटचेननि सा 7 हेफाजाव होग्रा मावसुमाफोर थैनायनि सायाव इज्राइलआ हारिमायारि हेंथा होनायजों मोगा-मोगि जानांगासिनो दडा। बेनि गेजेरजों आमेरिकांनि हादतरिज'बाइडेनआ थांनाय बृहस्पतिबारखालि नेतन्याहुजों लोगोसे फनआव सावरायनाय थाबैनो दावहा दोन्थ'नो दावि दैखाडो आरो नोगोरिफोरखौ बुधारायखौ खम खालामनायजों लोगोसे थासारिफोराव सावसांहोनायनि सायाव इज्राइलनि थाखाय

आमेरिकांनि मदत होनायखौ सोलिहोबाय थायायनि खौरां होयो। बेनि गेजेरजों नेतन्याहुआ इराननि सायाव गावसोरनि थान्देंफोरनि गेजेरजों इज्राइलनि हेंथाये माखासे गाग्लोबनायनि दाय जाबसिनो। बेनि सोमोन्दैये गेजेरजों थांनाय समबारखालि डमिस्क'आव थायाय गावसोरनि थान्दें मावख'नि कन्सुलार एनेक्सिआव उरां जाहाजजों गाग्लोबनायाव गावसोरनि सा 7 रिभल्युशनारि गार्डफोरखौ बुधारायनि थाखाय नायबिजिरफिन्नो समायखिरा लानायनि उनाव गाजायाव दावहा गोसारनायनि सन्देह'आ गोखोंसिन जायो।

इमरान खानआ एप्रिल दाननि गेजेरावनो जेलनिफ्राय गसिगोनः पिटिआइ दैदेनगिरि

इस्लामाबाद, 8 एप्रिल : पाकिस्तान तहरीक-ए-इन्साफ (पिटिआइ) नि दैदेनगिरि सरदार लतीफ खसाया दावि दैखांदोंदि, पार्टीनि गायसनगिरि इमरान खानआ एप्रिल दानाव जेलनिफ्राय गसिगोन। एआरवाइ निउजनि रिपर्टआ बिनि खौरां होदों। खसाया थांनाय रबिबारखालि एआरवाइ निउजआव मोनसे स्व'नि समाव बुडोदि, तशाखाना केसआव आगुनि गाहाइ मन्थिनि साजाखौ बिजिरसालिया दोन्थ'बाय आरो सिफर केसआ



1 सप्ताहबो थायाय नंलिया। खसाया बुंवावदोंदि, थांनाय 9 मेनि दाडाबाजिजों सोमोन्दो गोनां जायखिजाया केसआव पिटिआइनि गायसनगिरिया

लोब्बा थायाय महरे फोरमान जायाखैमोन। खसाया सिफर केसआव आगुनि गाहाइ मन्थि इमरान खाननि साजाखौ बेबायदि बुंनानै नेवसिगारोदि,

फोरमानफोरखौ बिजिरसालिनि सिगाडव होनो हायाखैमोन। पिटिआइ दैदेनगिरिया मिबथिहोनाय बायदिब्ला पार्टीनि गाइसनगिरिया गावनि रेहायनि थाखाय सावरायनाय नडा आरो बेयो हादतखौ नागरानाबे खारनाय नडा। बिथाड गोनांथि होनानै बुंदोंदि, इमरान खानआ गासै फसंथानफोरखौ पाकिस्ताननि संबिजिर बायदियै खामानि मावनो आरो बियो सोलायनाय राजखान्थिनि हेंथा जानो हास्थायो। बेनि सिगां एआरवाइ निउज हाबाफारिनि समाव पिटिआइ आफादगिरि बेरिस्तार गौहर आलि खानआ पार्टीनि दावि दैखानायखौ मख'ना इमरान खानखौ बे दानआव जेलनिफ्राय हगारसिगोन होन्ना बुंदों। बेराफारसे पिटिआइ गाइसनगिरिनि हेंथाये होनाय के सफोरखौ राजखान्थिजों लोब्बा थायाय केस होन्ना फोरमायानानै बिथाडा फोसावोदि, खाननि हेंथाये गासै आइनारि हाबाफारिखौ थाबैनो फोजोबनाय जासिगोन।

अन्ध प्रदेशखौ ड्रागस राजथावनि बाजायबाय वाइएसआर कंग्रेसआ : पवन कल्याण

अनाकापल्ली, 8 एप्रिल: सुबुं सान्थिनि गाहाइ पवन कल्याणआ वाइएसआर कंग्रेस पार्टीनि सायाव दाय जाबसिन्दों। बिथाड बुंदोंदि, वाइएसआर कंग्रेस पार्टी (वाइएसआरसिपि) सरकारआ अन्ध प्रदेशखौ हादतरि जग राजथावनि खालामनो। बिस्पोरनि खुंथाइआ लाइमोन गोहोखौ लोखां आरो लाइमोनफोरखौ गान्जानि फागला खालामनायनि खामानि मावदों। रबिबारखालि मोनसे बिसायख'थि रेलियाव बिबुंथि लाखिनानै कल्याणआ बुंवावोदि, बेबादि नेम-खाथिखौ गावसोर फोजोबना होगोन आरो वाइएसआरसिपि सरकारखौ राइज्योनिफ्राय बाइजोआव खालामहरगोन। बिथाडा बुंवावदोंदि, गावनि थांखिआ



राइज्योखौ रैखा खालामनाय। आं अनकापल्ली नुकलम्मानि बिमा (देबि) नि साखि लानानै बुडोदि, जों अन्ध प्रदेश राइज्योखौ रैखा खालामगोन। बुंनाय जायोदि, खुंथायाव फैनो मोनोब्ला जायखि जाया सुबुंआ गावनि गुबै महरखौ दिन्थियो।

राइज्योनि सुबुंफोरा गिबि मन्थि रेड्डीखौ खुंथायाव लाबोनायनि ओंथिखौ बुजिनो हाबाय होनाबो बुडे। मख'जाथावदि, हादतरि 543 लकसभा मासिफोरनि थाखाय बिसायख'थिया फैगौ 19 एप्रिलनिफ्राय मोन 7 खोलोबफोराव खुंजागोन।

लकसभाजों लोगोसेनो बिधानसभाफोरनि भटखौबो 4 जुनआव सान्नाय जागोन। मख'जाथावदि, अन्ध प्रदेशआव सकसभा आरो बिधानसभा मोनैबो बिसायख'थिआ खुंजागोन आरो फिथाइखौ 4 जुनआव फोसावनाय जागोन।

आमेरिकानि डेनभरआव गंसे उरांआ जाब्रबथायाव गोग्लैदों



निउयर्क, 8 एप्रिल : आमेरिकानि डेनभरआव गंसे प्लेनआ जाब्रबथायाव गोग्लैदों। डेनभरनिफ्राय ह्युस्टनआव थांबाय थायाय समावनो प्लेनआ जाब्रबथाइ जायो। अखाडव बिरबाय थायाय समावनो हेरखाबै प्लेननि इन्जिन कभारआ बायनानै गोमलैनायनि जाहोनाव जाब्रवथाइ जादों होन्ना हमदानाय

जादों। बेजाब्रबथाया साउटवेस्ट एयारलाइन्सनि बई 737-800 आव जादों। बिनि इन्जिन कभारआ अखां सायावनो बायना गोग्लैनायाव बेयो प्लेननि विं प्लेपजों सौग्रावयो। अदेबानि बे जाब्रबथायाव रावनिबो जोखोम जानायनि खौरां मोन्नाय जायाखै। इन्जिननि कभारआ उरायनानै उरांनि विं प्लेपजों

सौग्रावनायनि उनाव ह्युस्टनआव थांबाय थायाय बे उरांखौ डेनभर इन्टारनेशनल एयारपर्टआव रैखाथियै लाबोफिन्नाय जायो। बे जाथाया रबिबार फुंनि समाव जायो। जाब्रबथाइनि उनाव इउएस पेडारेल एभियेशन एडमिनिस्ट्रेशन (एफए) आ बई 737-800 नि इन्जिन कभार गोग्लैनाय आरो विं प्लेपजों सौग्रावनाय जाथायखौ खालामनो मोन्नाय एयार ट्रेफिक कन्ट्रल अडिअयाव पायलटफोरनि सासेया बुंदोंदि, गोबां दावबायारिफोर आरो प्लाइट एटेंडेन्टफोरा विंआव माखासे जोबोद गोब्राबै सौग्रावनायनि सोदोब खोनानो मोन्दोंमोन।

पेरिसनि गंसे बिल्डिंआव बेरफुनाय जाथायजों साथाम सुबुंफोरनि जिउ ख'हा

पेरिस, 8 एप्रिल : पेरिसआव गंसे गोबां थालानि बिल्डिंआव बेरफुनाय जाथायनि उनाव अर नांनयजों साथाम सुबुंफोरनि जिउ गोमायो। आथिखालाव बे बेरफुनाय जाथाया माबोरै जाया बिनि सोमोन्दैये दासिमबो जेबो खौरां मोनाखै। बे बिल्डिंआ पेरिसनि 11 थि एरनडिसेमेन्टआव दड आरो खौरांनि बायदिब्ला रुए डे चारननि गंसे बिल्डिंनि 7 थि थालायाव अर नांनयनि सिगां मोनसे बेरफुनायनि सोदोब खोनादोंमोन। आथिखालाव पुलिसआ बे बेरफुनाय जाथाया



माबोरै जादोंमोन बेखौ मिबथिनो नाजागासिनो दडा। 11 थि एरनडिसेमेन्टनि डिपुटि मेयर ल्युक लेबनआ ले पेरिसियानो

फोरमायोदि, खाथिनि सुबुंफोरा बे बेरफुनायनि जाहोनखौ मिबथिनो मोनाखै। मानोना बे बिल्डिंआव जेबो गेस गैयामोन।

अब्लाबो बिल्डिंनि थागिबिफोरनि नेवसिसेयावबो बिबानगिरिफोर गेसखौ लानानै नेवसिगारा जासे बेखौ

नायबिजिरगासिनो दडा। थांनाय माखासे बोसोरनि गेजेराव बियो थामथि खेब जादों, जेब्ला राजथावनियाव बबेबा बिल्डिं सिखव बेरफुनाय जाथाय जायो, जेराव रावबो सुबुंनि जिउ गोमायाखै। ले पेरिसियाननि बायदिब्ला, थांनाय 2019 नि 12 जानुवारीयाव रूप डे ट्रेबिसआव मोनसे बेरफुनाय जाथाय जायो, जेव साब्रे सुबुंफोरनि जिउ गोमादोंमोन। बेराफरसे थांनाय 2023 नि 21 जुनआव 277 रूप सेन्ट-जेक्सनि बिल्डिंआव बेरफुनाय जाथाय जादोंमोन, जेव साथाम सुबुंफोरनि जिउ गोमादोंमोन।

खालिस्तानी उतखारि पन्नुआ बिजेपिनि रेलियाव हेंथा होनो गावनि हेफाजाबगिरिफोरखौ बिथोन हर्दों: सुलुं

गोदान दिल्ली, 8 एप्रिल : खालिस्तानी उतखारि गुपतबन्त सिंह पन्नुआ फिन खनसेबाव भारतनि हेंथाये बाध्रा बुंदों। उतखारिया मोनसे भिडिअ फोसावनानै गाहाइ मन्थि नरेन्द्र मदि, रैखाथि मन्थि राजनाथ सिंह आरो गुबुन हादतरियारि मन्थि एश जयशंकरनो सेलेन्स होदों। पन्नुआ मदि सरकारनि हेंथाये धर्ना खालामहोनायनि बाध्रा बुंनानै बुंवावोदि, गावसिनि आफाद शिख फर जास्टिस (एसएफजे) आ खालिस्तान जनमत जांखिथाइनि थाखाय अभियानखौ सोलिहोलांगोन। पन्नुआ 19 एप्रिलनिफ्राय जागायनो गोनां लकसभा बिसायख'थिफोराव गाहाइ मन्थि मदिनि हेंथाये मोनसे खैसार सानायनिबो बाध्रा



बुंदों। उतखारिया बुंवावोदि, बियो गावनि आफादखौ बिजेपिनि रेलियाव बिथांमोनखौ लाजिफोनांनो आरो हेंथा धर्ना होनो खावलायगोन होन्नाबो बुडे। गासै 3 मिनिटिसमिनि बे भिडिअआव मोनसे टिभि चेनेलनो होनाय राजनाथ सिंनि बावैसो सिगांनि गोदान क्लिपखौ दिन्थिनाय जादों,

जेराव रैखाथि मन्थिया बुंदोंदि, भारत सरकारनि खाथिखौ सिमफायनो नाजाग्रा जायखि जाया उतखारिनो गोखों फिन्नाय होगोन। भिडिअआव नुनो मोन्नाय जादोंदि, मोनसे रेलियाव गाहाइ मन्थि मदिनि मोनसे क्लिपखौबो दिन्थिनाय जादों, जेराव दिनेनि भारतआ न'आव हाबहैना बुधारो होन्ना बुंदों।

गोदान दिल्ली, 8 एप्रिल : बिसायख'थि आयगआ लाइमोन आरो सहरारि भट होग्राफोरखौ लक सभा बिसायख'थियाव भट होनो थुलुंगाखांहोना थाखाय इन्टरनेट मिडियानि गुबुन गुबुन जौसांआव हाबाफारि जागायदों। आयगआ सुबुंफोरखौ खावलायदोंदि, बिस्पोर इन्टरनेट मिडियाआव बिसायख'थिजों



सोमोन्दो गोनां जाय खौरांखौ मोनो बेनि सिगां नायबिजिरगोन

नायग्रोनांगौ। लक सभा बिसायख'थिनि गेजेरजों गिबि

खोलोबनि भटआ फैगौ 19 एप्रिलआव जागोन आरो 1 जुनआव जोबथा खोलोमनि भटआ जागोन। आथिखालाव सरासन्ता बिसायख'थिया 7 खोलोबाव सोलिगासिनो दडा। बिसायख'थि आयगनि बायदिब्ला, बिस्पोर टार्नि 18 हाबाफारिनि गेजेरजों लाइमोन आरो गिबि खेब भट होग्रा भटफोरखौ थुलुंगाखांहोनासिनो

दडा। बिस्पोरखौ भट होनो थाखाय भट होग्रा मिरुआव लाबोनो खावलायगासिनो दडा। बेनि अनगायै इउ आर डा वान हाबाफारिनि गेजेरजों आयगआ गुबुन गुबुन जौगाखां हाबाफारिफोरखौ मिबथिनो नाजागासिनो दडा; जायजों रावबो भट होग्राफोर भट होनायनिफ्राय जानगाराव थाया। बेखौ रोखा खालामनो हायो।

राजस्थान रयेल्सनि आरवाइयाव रयेल्स सेलेन्जार्स बेंगालुरुआ जेनबाय

गोदान दिल्ली, 8 एप्रिल: सन्जु सेमशननि केपेननि इन्सि आरो जस वाटलारनि बेरफुसार दिन्थिफुं नायजों राजस्थान रयेल्सआ रयेल्स सेलेन्जार्स बेंगालुरुनि हेंथायै देरहासारनो हायो। आइपिएलनि 19 थि बादायलायनायाव राजस्थानआ रयेल्स सेलेन्जार्स बेंगालुरुखौ मोन 6 उडकेटनि फारागथियाव फे जेन्नायै रयेल्सनि देरहासारनायखौ रोखा खालामो। बेनि लोगो-लोगोनो राजस्थाननि दोलोआ 8 पइन्टनि गेजेरजों पइन्टनि फारिलाइनि गोजौसिनाव थानो हायो। बेरफारसेथि के.के. आरआ 6 पइन्टजों 2 थि फारिलाइयाव उनफिनलानो गोनां जायो। मोन 5 गेलेनायाव बियो 4 थि खेब जेन्नाय। भिरात कहलिआ आरसिबिनि जानां आइपिएल केरियारनि 8 थि 100 रान खालामदोंमोनब्लाबो बिथानि 100 रान आवग्रिनायाबो दोलोखौ हेफाजाब खालामनो हायाखिसै। वाटलारआ खेब 6 रान लानायनि गेजेरजों राजस्थानखौ देरहासारनायनि रोखा सारियाव लानानै दोनहेयो। बिथाड मोन 58 बलयाव आउट जायालासेनो 100 रान खालामनो हायो। 184 राननि थांखियाव



सौहैनो राजस्थान रयेल्सआ 19.1 अभावाव 4 उडकेटयाव 189 रान मोन्दोंमोन। राजस्थाननि जागायजेन्नायानो मोजां नडामोन। इन्सिनि गिबि अभाविनि 2 थि बलावनो उडकेट गोमाजानानै जसबि जयसवालआ वाकआउट जायो। बेनि उनावनो केपेन सन्जु सेमसन आरो जस वाटलार 2 थि उडकेटनि थाखाय 148 राननि लोगोरि खालामनानै आरसिबिनि देरहासारनायनि सिमांखौ आद्रा खालामनानै हायो। मोन 42 बलाव 69 रान बुधुमनानै सन्जु सेमसनआ आउट जानो गोनां जायो। बिथाड मोन 8 ब्रे आरो मोननै 6 रान खालामदोंमोन।

रियान पारागाआ मोनब्रै बलाव मोनब्रै रान खालामनो हायो। बेबायदिनो धुब जुरेलाबो 2 रानल' लानो हायो। खौसेथियै भिरात कहलिआ आइपिएलआव मख'जाथाव 8 खेब 100 रान खालामदोंमोनब्लाबो राजस्थान रयेल्सनि हेंथायै 3 उडकेटयाव 183 रानल' खालामनो हादोंमोन रयेल्स सेलेन्जार्स बेंगालुरुनि दोलोआ। कहलिआ गावनि इन्सियाव फुल आरो फिलकस खालामदोंमोन। कहलिआ मोन 72 बलाव 113 रान आर्जिनारजों लोगोसे दासिमाव बादायलायनायाव आरसिबिनि गासै राननि 38 जौखेन्दो रानानो कहलिनि फारसेनिफ्राय फेदों।

कहलिआ गावनि इन्सियाव मोन 12 ब्रे आरो मोन थाम 6 रान आर्जिनोमोन। केपेन पाप दु प्लेसिसनि अनगायै (33 बलाव 44 रान) बिथाड लोगोयारि गेलेगिरिनिफ्राय जेबो हेफाजाब मोनो हायाखिसै।

2025 आइपिएलआव सा 5 गेलेगिरि- फोरखौ नुनो मोन्नाय नंलिया



गोदान दिल्ली, 8 एप्रिल: बैसो आरो फिटनेसनि थाखाय फेगौ 2025 माइथायनि आइपिएल गेलेनायाव गोबां गेलेगिरिफोरखौनो नुनो मोन्नाय नंलिया। बेबायदि मोनसे फारिलाइयाव गोबां केपेन-बाया' केपेनजों लोगोसे गोबां मुंदंखा गेलेगिरिफोरबो जायागा आवग्रिदों। चेन्डा सुपार किंसनि बाया' केपेन महेन्द्र सिं धनिनि बैसोआ आधिखालाव 43 बोसोर जाबाय। बे सिजन जागायजेन्नायनि सिगां-सिगां बिथाड सिरुज गइकवादखौ दोलोन के प्तेन महरै थिसन्दोंमोन। बुनो थाडोब्ला बेनो माहिनि जोबथा सिजन। नाथाय दासिमबो घनिआ बेनि

सोमोन्दै जेबो बिबुंथि लाखियाखै। रयेल्स सेलेन्जार्स बेंगालुरुनि केपेन पाप दु प्लेसिसआबो बे खेबनि आइपिएलखौल' गेलेनो हासिगौ। आधिखालाव पाप दु प्लेसिसनि बैसोया 40 बोसोर जाबाय। बेनिखायनो मिबथिहोनाय जायोदि, बिथाड 2025 माइथायनि आइपिएलनि सिजनयाव गेलेनो हानाय नंलिया। बे खेबाव आरसिबिनि उडकेट किपार एबा बेटसमेन दिनेस कार्टिकआबो गाहामै गाहाम दिन्थिफुंनो हादों। पान्जाब किंसनि हेंथायै कार्टिकआ गोहो-गोरा महराव पिनिंसि खालामदोंमोन। बेनि उनाव बिथाड गावनि फर्मखौ लानानै



आबुं खालामग्रा मुलुगनि गिबिसिन बेटार महरै सिनायथिजानो हायो। कहलिआ आरसिबिनि जानानै गेलेनानै दासिमाव 8,003 रान खालामनो हाबाय। बेंगालुरुनि जानानै दासिमाव कहलिआ गासै मोन 257 मेचयाव बाहागो

लादोंमोन। मोन 42 आइपिएल बादायलायनायाव 7,579 रान बुधुमनारनि अनगायैबो सेम्पियन्स लीग टि-20 नि मोन

42 बोसोरनि उनाव मन्टे कार्ल मास्टार्सयाव भारतनि गेलेगिरि सुमित नागलआ हारसिं गेलेनायाव इटालिनि हेंथायै बादायगोन



गोदान दिल्ली, 8 एप्रिल: भारतनि नम्बर 1 टेनिस गेलेगिरि सुमित नागलआ 42 बोसोरनि उनाव रलेक्स मन्टे कार्ल मास्टार्सनि गाहाइ इ' गेलेनायाव सौहैनो हानायाव गिबिसिन भारतआरि गेलेगिरि जानो हाबाय। बेनि सिगां 1982 माइथायाव रमेश कृष्णनआ सिंगेल्स इभेन्टनि गाहाइ इ' गेलेनायाव मासि आवग्रिदोंमोन। रबिबाराव सुमितआ जोबथा क्वालिफाइथि बादायलायनो आर्जेन्टिनानि 55 थि रेंकियाव थानाय पेसुन्द डियाज' अकस्टाखौ 7-5, 2-6, 6-2 जों फेजेन्नायै टुनामेन्टयाव गावनि मासिखौ रोखा खालामदों। बेनि सिगां-सिगां शनिबाराव गिबिसिन क्वालिफाइथि राउन्डयाव 63 थि रेंकनि इटालिनि प्लेबि' कबलिखौ फेजेन्दोंमोन। मख'नो गोनांदि, सिगां गेलेनायाव जेन्नायनि उनाव सुमितआ देरहाफिनो हादों। अकस्टनि हेंथायै गिबि राउन्डयाव 2-5 आव जेन्नायनि उनाव फिन बादायलाइफिनानै सुमितआ सेथि राउन्डखौ देरहानो हायो। बेनि उनाव नैथि गेलेनायाव बियो जेन्नो गोनां जादोंमोन। बेनि उनाव नागलआ गोब्राब नाजानायनि गेजेरजों 3 थि राउन्डयाव देरहासारनो हादोंमोन। मख'नो गोनांदि, नागलआ मारकेसयाव क्वाटर फाइनलयाव जेन्दोंमोन। बुधबाराव गेलेनाय समाव मारकेश अपेननि क्वाटर फाइनलयाव सिंगेले गेलेनायाव जेन्नो गोनां जादों। भारतआरि गेलेगिरिखौ इटालिनि लरेन्ज' सनेग'आ 6-1, 3-6, 4-6 जों फेजेन्दोंमोन। नागलआ बे गेलेनायाव गोखोडे जागायजेन्दोंमोन आरो जोबथारनायाव गावनि गोहोखौ लाखिनो हायैआव जेन्नो गोनां जादोंमोन।

आमेरिकानि बिगियानगिरिफोरा साननि सोरांखौ रिफिखन होनायनि स्रोद आन्जाद खालामदों



गोदान दिल्ली, 8 एप्रिल : भारतआव गोलोम बोथोरनि गोहोमा बांसिनै जाबोगासिनो दड। ग्लबेल वार्मिनि गोहोमा बांबोनायनि गेजेरजों बोसोरफोमबो मुलुगनाडै बोथोरनि बिदुं एबा गरमा सिगांनि रेकडफोरखौ सिमफायनो हमदों। बिब्दियाव आमेरिकानि बिगियानगिरिफोरा बुहुमखौ सुगलायहोना लाखिनो थाखाय साननि सोरां रोदाफोरखौ दैथाइहरफिनानयनि सायाव गोनांथार हाबा मावगासिनो थादों। निउयक टाइम्सनि रिपट बायदिब्ला, बिगियानगिरिफोरा क्लाउड ब्राइटनि टेक्न'लजिखौ बाहायदों। सानुनिफ्राय एबा साननिफ्राय ओंखारबोनाय सोरांनि मोनसे बाहागोखौ रिफ्लेक्ट खालामो एबा रिफिखन होगोन। बेजों बे ओन्सोलनि बिदुंआ खम जागोन। बिगियानगिरिफोरनि बे नाजानाय

एबा आन्जाद नायनाया जाफुंसार जायोब्ला, बेजों लैथोमानि बांबोबाय थानाय बिदुंखौ बाडइ खालामनायाव मदत मोनगोन। वाशिंटन इडनिभासिटिनि संबिजिरिगिरिया 2 एप्रिलखालि गंसे जाहाजनफ्राय अख्रंआव जोबोद गोखैथै संखिनि फिसा फिसा खोन्दोफोरखौ दैथाइहरदों। बे आन्जाद नायनायखौ कस्टेल एडमस्मेरि एरशल रिसार्च एन्ड इंगेस्टमेन्ट (सिएएआइ) मुं दोनाय जादों। बे आन्जाद नायनायखौ स्रोदयै लाखिनायबो जादों। बेनि गेजेरजों बिगियानगिरिफोरा जोमैफोरखौ बाहायनानै साननिफ्राय बुहुमसिम सौफेनाय सोरां रोदाफोरखौ रिफिखं हरनो सानदों। बे कन्सेप्टखौ 1990 आव ब्रिटिस पिजिक्स साइन्सि जन लेटमआ बयनिखुइबो सिगां दिन्थिदोंमोन। बिथाड गं 1000 जाहाजफोरनि हान्जा

बानायनायनि बिथांखि लाबोदोंमोन, जाय मुलुगनाडै दावबायहैनानै लैथोमायाव बे रोखोमनि हाबाफारिखौ मावगोन आरो जायजों सलार हिट आरो बांबोबाय थानाय बिदुंखौ सामलायनायाव मदत मोन्नो हागौ। बे टेक्न'लजियाव बिगियानगिरिफोरा सरसन्खा बिगियान एबा जेनेरेल साइन्सखौ बाहायदों। गोबां बिबांआव सारना होनायजों बांसिनफ्राय बांसिन सोरां रोदाफोरखौ रिफिखन होनो हानाय जायो। बेबायदिनाय लैथोमानि सायाव एरशल स्लट वाटरखौ सारनानै साननि सोरां रोदाखौ फिन सान मन्डलआव दैथाइहरनो हागौ। अदेबानि बेनि थाखाय गुन्नासाफोरनि दाथाया गोबां मख'जाथाव एबा गोनांथार। जोबोद फिसा गुन्नासाफोरबो बेफोर सोरांखौ रिफिखन होनो हानाय नड। फारसेथि गिदिर महरनि गुन्नायाबो बांसिन सोरां रोदाफोरबो दैथाइहरनो हानाय जानाय नड। बिगियानगिरिफोरनि बुनाय बायदिब्ला बेनि थाखाय गुन्नासाया थि ज'खानि एबा साइजनि जानांमोन आरो मोनफोमबो सेकेन्डआव 4 आर'ब गुन्नासाफोरनि गोनांथि जागोन।

कंगना रनौतआ नंखाय रादाव फोसावग्राफोरखौ सांग्रांथि होदों

मानालि, 8 एप्रिल: फावखुग्रि कंगना रनौतआ गावनि गोखों फाव खालामनाय आरो बिबुंथिनि थाखाय खौरांआव थाबाय थायो। ससियेल मिडियाआव बिथानि बेरेखायै सोलिबाय थानाय नंखाय रादावफोरनि सायाव बिथाड गोखों फिनजाथाय होदों। फावखुग्रि आरो मन्डी बिबाबनिफ्राय वि.जे.पि. दोलोन लकसभानि बिजाथि कंगना रनौतआ एक्सआव पस्ट खालामनानै बुदों, आं मोसो बेदर एबा गुबुन रोखोमनि गोजा



बेदर जाया। बेयो लाजिनांथावदि, आनि सोमोन्दै आबुडेबिथा गैयै नंखाय रादाव फोसावनाय जादों। आं योगिक आरो आयुर्वेदिक जिउनि

सोमोन्दै बिजिरगासिनो दड आरो फोसावगासिनो दं। आनि सावगारिखौ गात्रि खालामनो बेबादि आदोबफोरा आनि जिउ खुनायनि थाखाय खामानि खनले खनले तामिलनाडुखौ थ'गायदों। थानाय शनिबाराखालि फोसावनाय गावसोरनि फोसावलाइआव बायक'आ बुडोदि, बिनि पार्टीआ कु डनकु लमआव गुन्नासा मोब्लिब प्लान्टखौ बन्द' खालामनारनि बाहागोआव दड आरो एमडिएमकेआ गोदान सोलौंथाइ नेम-खान्थिखौ फोजोबनो लुबैयो।

होनाय नड जाय जि उल्थायै बिनि फंबाया बेदरखौ जायो। बेनि सिगाडाव महारास्ट्रनि बेरेखा हान्जानि दैदेनगिरि भिजय वडेडीवारआबो अजद होदोंमोनदि, कंगना रनौतआ खेबसे टुइट खालामदोंमोनदि बियो मोसो बेदर मोजां मोनो आरो बिथाड बेखौ जायो आरो पार्टीआ दा बिथानों फेबाय थानाय बिसायख'थि गेलेनो थाखाय टिकेट होदों।

गुबैयै कंगनाआ फिनजाथाय होयो, जेब्ला माखासे ससियेल मिडिया बाहायगिरिफोरा 2019 मायथाइनि मोनसे गोजाम टुइटखौ फोसावनो हमदोंमोन, जेराव बिथाड मोनसे योगिक जिउ खुनायनि सोमोन्दै लिरदोंमोन। बबेखानि बिथानि पस्टआ गिबि सुबुनि नटआव लिरजायाखैमोन। मोसो बेदर एबा गुबुन बेदर जानायाव जेबो गोरोन्थि गैया। बेयो धोरमनि बाथा नड! बेयो जेबो थाखोमानाय सैथो नडदि कंगनाया 8 बोसोर सिगां मैगं-थाइगारि जादोंमोन आरो सासे योगी जानो सायख'दोंमोन। बिसोरो दासिमबो मोनसेल' धोरोमखौ फोथाया। बिनि

मख'नो गोनांदि, राजफोलेरजों सोमोन्दो थानाय सुबुंफोरा गोबाव समनिफ्रायनो मन्डी बिबाबआव बिसायख'थि गेलेगोबोसिनो दड। बेजों लोगोसे कंग्रेसआ दा आधिखालनि एम.पि. प्रतिभा सिंहरनि फिसान्ता बिक्र मादित्य सिंहरखौ बे मासिनफ्राय कंगना रनौतनि हेंथायै बिसायख'थि गेलेहोनो हागौ। बिथानि मुज पार्टीनि नायगिदिनायाव बयनिखुइबो सिगांसिनाव दं। बिथाड आधिखालाव सासे एम.एल.ए., बेनिखायनो दोलोआ बिथानो टिकेट होनो थाखाय जिंगायाव गोर्लैनानै

एमडिएमकेआ बिसायख'थिनि फोसावलाइखौ फोसावबाय

चेन्नाइ, 8 एप्रिल : एमडिएमकेनि गाइसनगिरि आरो बेरेखा जुथाइ दोलो आइएनडिआइएनि दैदेनगिरि भाइक'आ बुंदोंदि, आनि पार्टीआ श्रीलंकानिफ्राय कच्चातिथु द्विपखौ लाफिनानयनि बाहागोआव दड। गागि दैदेनगिरिया थानाय रबिबाराखलि तिरुचिआव मिडिया मावसुमाफोरनि सिगाडाव बुडोदि, बिथाड बे द्विपखौ



तामिलनाडुनो होफिनजानो लुबैयो। बेनि सोमोन्दैयै बिथाड बुंबावोदि, गावनि पार्टीनि फोसावलाइखौ बिबानगिरिफोरनि थाखाय नारायाव द्विपखौ मोनफिनो थाखाय बिजिरदों। गाहाइ मन्थि नरेन्द्र मदिनि गेजेरजों बावैसो समनि सिगां बै समनि गाहाइ मन्थि इन्डिरा गान्धीनि सायाव थानाय 1974 आव द्विपखौ श्रीलंकानो गथाइफिनानयनि दाय

जाबसिन्यायनि उनाव कच्चातिथु आयदाया नुजाथिफिनदों। पिपेम मदिद्या द्विप जेनानि सायाव द्रमुक आरो कंग्रेसखौ सोंखारिनानै बुडोदि, तामिलनाडुनि खुंथायाव थानाय जुथाइ दोलोफोरा राइज्योनि जौगाखांनयखौ रैखा खालामनो थाखाय जेबो मावयाखै। बेरेखा जुथाइ दोलोआव कंग्रेसनि हेफाजाबगिरि एमडिएमकेआ जेब्यायबो बुडोदि, कंग्रेसआ